

而

五

澗

齋

閣

鑿

宣統庚戌十月假如  
泉冒氏鈔本刊成

哈佛大學漢和  
圖書館珍藏印

天游閣集



詩一

天游閣

太清西林春著



鈍宦曰少時聞外祖周季況先生星詒言太清遺事綦詳其後以計

偕入都與臨桂士幼選侍御鵬運論詞至滿洲人有男中成容若女

中太清春之語幼遐藏詞至多獨以未見漁樵二歌為憾謂朱希真

樵歌及太清東海漁歌也太清為貝勒奕繪側室貝勒自號曰太素

道人前年余從後齋將軍溥侗假得太素所著明善堂集嘗刺取太

清遺事賦六絕句嘉興沈子封提學曾桐亟嗟異之今年春黃陂陳

士可叅事毅得此册於廠肆凡詩五卷闕第四卷詞四卷闕第二卷

中多割裂蓋當時未經寫定之本略為排比間加考證以詒好事太

清姓顧或曰吳人或曰顧八代之裔宣統己酉七月

游仙四首

層臺起虛館桂柱蘭爲堂微風從東來吹動羅衣裳翻階木芍藥薜荔當  
門牆揮杯發清興絃歌誦詩章繁星映戶牖明月照兩廂爲樂及良時光  
景孰云長

縹緲十二樓上有仙人居左據青玉案右擁鴻寶書瓊瑤製危冠芙蓉曳  
輕裾歡笑粲玉齒從容下丹除俯察碧流水清波戲朱魚仰觀青天雲舒  
卷任太虛

巫山高巍巍江水碧深杳中有陽臺人清容舒窈窕翠袖倚朱闌顏色常  
美好我欲往從之不見三青鳥

層巖下斜日雲霧生重陰昏煙迷修渚飛鳥投荒林清宵伴涼月開窗弄  
鳴琴悠悠世中事泠泠絃上音

采菱歌

采菱復采菱采菱莫傷手采蓮復采蓮采蓮莫傷藕蓮心苦難除菱刺利  
當剖珍重采菱人涼風動湖口

讀光武本紀

十三輕騎霸乾坤城上披圖更幾人一笑中原揮顧定井蛙安識帝王真  
丙戌清明雪後侍太夫人夫人游西山諸寺

三月山花尙未發一春忽忽過清明雲移列岫山無數雪滿叢林樹有聲  
怪石自成蹲虎勢老松誰與臥龍名晚晴碧澗添新水歸路迴看暮靄平

鈍宦曰太清是年二十八歲太夫人爲榮恪郡王縣億妃夫人名妙華

太素與太清齊年妙華夫人長太清一歲

戊子八月雨中游城西天禧昌運宮廢趾

煙葉青青豆葉黃雨中蕎麥白凝霜野水蘋花自采采虛亭老樹更蒼蒼  
隔口依稀露碧瓦過橋斷續堆紅牆諸天法象認不出荒草深埋真武堂

鈍宦曰太清是年三十歲

己丑暮春雨後同霞仙七妹游萬壽寺作

春雨初晴後郊原望遠峯山高猶見雪風定不聞鐘竹裏禪房靜門前溪  
水溶同來大歡喜日色滿蒼松

鈍宦曰太清是年三十一歲

題沈石田秋林曳杖

落日秋山遠長林一徑幽高人無所住來往若虛舟

題文衡山秋湖晚眺

秋水澄峯影丹楓照夕陽忘機二三子無語對滄浪

題李晞古秋涉圖

亂石枯藤積水邊疎林葉淨晚秋天寒灘欲濟無舟楫如此風波不可前

山中即事

光陰真遇客逆旅卽爲家處處棲簷鳥駸駸赴穴蛇陽坡明赤草古湖散  
黃花向晚長林黑雲山暮雨遮

山樓五絕句

黃華峯對讀書樓一片青山動客愁游子莫生鄉國感是身天地一浮鷗  
欺段相隨上小岑斜陽坐話古松陰垂髻婢子癡憨甚笑問雲山高幾尋  
雄邊坐對如屏障村落遙看似畫圖隔水藍疇人采葉近山朱果鳥將雛  
官路斜侵水一灣白雲縷縷出層巒秋林幾處炊煙起下見孤城方丈間  
落日看山暮靄中 五陵嘉樹碧叢叢居人指說邊城外木落羣過舐掌  
熊

乙渠聯句

手開清淺引山泉

子章

一竇相通小似拳運石犒勞童僕喜

太清

環樓作勢岸

陂圓蒼龍倒映孤松靜

子章

碧水斜侵杖杜偏瘦硬樹根橫地過

太清

滑平橋

板待霜鮮澗莎新種宜垂雨

子章

寺塔遙看半沒煙三面雲窗峯楚楚

太清

雙



又鹿徑草芊芊流觴有酒歡今夕子采苻臨風憶去年秋仲深林零栗甲

太清牆陰細溜蔽牛肩觀瀾坐入那伽定子鍊藥將爲自在仙兒女長竿爭

剝棗太清文章陳迹等飛鳶懷沙老閱人間世子抱璞悠遊物外天至道無

爲歎河伯太清寓言得意忘魚筌子

### 九日登後山二首

枳蘭爲佩桂爲櫺滄海桑田幾變更芳草微霜悲宋玉馬蹄秋水感莊生  
詩如陶謝終爲累道貫聃周亦強名此日登高長太息凌風誰見遠遊情  
蕭蕭萬壑樹聲威櫛比新籬照落暉谷口千家炊晚飯幽風九月授絺衣  
從來山勢無驚患終古人心有是非南望金星名升暮靄寒鴉猶帶夕陽

飛

題宣和竹雞

漏盡明星澹晨光紫陌分將雛尋竹粟憐爾太殷勤能破千家睡無愁一  
旅軍不如棲老圃終日伴耕耘

醃菜

秋登場圃淨白露已爲霜老韭鹽封甕香芹碧滿筐刈根仍滌垢壓石更  
添漿築窖深防凍冬窗一侑觴

題憚南田畫冊十絕句

玉翦翻翻逗柳梢烏衣輕捷掠春郊落花天氣初晴雨銜得新泥補舊巢

燕柳

柳半垂條草吐芽輕寒輕暖欲烘霞瑤池自有三千歲錯被人呼薄命花

折花

渺渺芳汀春水寒  
兩三追逐落花攢  
畫師心共游魚樂  
片紙能教止念觀

落花  
游魚

二月驚雷筍滿林  
叢抽紫玉見天心  
無端稚子從根嚙  
劇斷參天百尺陰

額鼠  
新筍

開花如翠帶星張  
半斂殘英尙曉涼  
應遜瓠瓜真薄命  
似從銀漢恨相望

牽牛

百合花開白玉盤  
縞衣宜向月中看  
畫師老筆曾題句  
瑤圃霓裳舞夜闌

百合

披離翠蓋無全葉  
零落紅衣冷半池  
秋雨秋風任憔悴  
苦心結子有誰知

秋荷

相對忘機沙上鳧  
蒹葭深處更相呼  
逍遙不羨鴝鵒侶  
紅蓼黃蘆僅足娛

雙鳧  
出浴

蓬萊蹤跡舊相知  
翠羽明璫憶昔時  
憚老戲臨子固卷  
陳王應有水仙詩

南田自書戲臨  
趙子固水仙卷

羣玉山頭玉蕊飛  
枯蘆壓雪鷺添肥  
明窗共展高人畫  
百四十年一歎歎

雪鷺

題邊頤公柳絲雙燕

碧水微波送晚潮  
斜風細雨燕雙撩  
萋萋芳草江南路  
無限春情在柳條

東山草堂二首

春水滿池塘春光入草堂  
黃茅初蓋頂紫燕欲窺梁  
卉木見真趣圖書森  
古香濛濛新雨歇花萼婉清揚

淑氣催花萼春風入酒樽  
日長簾幕寂人靜鳥聲喧  
拂座清松影侵階碧  
薜痕山堂通畧約詞賦接文園

鸚鵡灣

鮎魚關外雨初收鸚鵡山邊春色幽  
怪石崢嶸灘水急淙淙萬古漱寒流  
次夫子草堂暴雨韻

遠近峯頭一片雲  
河魚驟落馬收羣  
普天密密渾無極  
萬木條條綠不分  
幽谷雨沈窗欲暝  
黃昏風急水生文  
山堂入夜菰蒲響  
憶向西園聽此君  
鳥

東山烏最惡無計可張羅結隊欺豚柵爭棲奪鳥窠貪殘常不足凶忍種  
偏多亦有雲間鶴春風養太和

啄木

東山多啄木斑褐辨雌雄利嘴能穿樹微身善食蟲氣機開閉塞禁法惑  
愚蒙萬物各殊性巍巍覆載功

搗

一名獨豹  
俗呼地搗

東山有獨豹羣集大河濱肥腴羊脂膩花斑璫瑄勻嬌兒爭羽翮野客飯  
奇珍入饌空憐爾文章不蔽身

戲擬豔體四首

亞字闌干曲徑通美人家在綠楊中秋千小院閒金索芳草長隄老玉臙

流水飛花隨去住，斷虹殘日各西東。武陵洞口雲深處，蹤跡難尋踏雪鴻。  
十二珠簾控玉鈎，晴絲花片總纖柔。朱闌寂寂雙飛燕，綠水沈沈數點鷗。  
楊柳樓臺經過處，碧桃門巷記曾遊。美人一去餘芳草，斷雨零雲古渡頭。  
細草穠花各斷腸，美人去後有餘香。巫峯挾雨原非夢，洛浦凌波太近狂。  
日暮藤蘿空密密，天寒脩竹自蒼蒼。迴還江水無窮碧，可許相隨一泛航。  
采采芙蓉洛浦姿，碧蘭晴雪落花時。一溪春水浮山影，盡日靈風颺柳絲。  
玉笛閒吹翻舊譜，紅牙低拍唱新詞。娉婷合是神仙侶，小謫人間歸去遲。

國文四首

秋江一釣野情閒，赤葉楓林映碧灘。游子客途鄉渺渺，寺樓山曲路漫漫。  
幽窗夜火孤村遠，澗岸荒沙落月殘。舟泊晚涼初過雁，愁生更盡望江寒。

紅衣舞盡落風輕月照寒塘池水停東閣小窗臨近岸北堂高宴對深庭  
蓬蓬草徑開鳴蚓灼灼花叢亂點螢空碧映天雲寂寂冷宵清露滴階  
臺高接影雲山遠漠漠煙溪碧遶廊迴浪細翻平柳岸小舟輕蕩亂花塘  
疊罇瀉露清珠曉簾枕浮光素月涼苔徑覆篁新過雨晚蟬鳴處動荷香  
霞晚照松青對座古柯喬木夏陰陰花開一樹仙桃小鶴舞長天碧靄深  
遮嶺片雲飛渡澗過橋危徑曲通林蛙鳴亂草煙谿滿戶入涼風好奏琴

秋荷二首

影娥池上晚涼歸離合神光憶宓妃有限秋風翻翠扇無邊冷露墜紅衣  
水堂畫檻收殘暑虛閣珠簾捲落暉欹枕那堪一夜雨荒蒲衰柳共依依  
秋荷不定露珠旋憔悴紅衣絕可憐結子有心甘冷落牽絲無意自纏絲



風吹舞袖人千里霜倒平池水一天寂寞歌聲閒畫槩斜陽兩岸草芊芊

五雜俎六首

五雜俎樓中絲往復遺風中枝不得已客中思

五雜俎園裏花往復遺樹頭鶉不得已井底蛙

五雜俎元宵燈往復遺周天星不得已趁齋僧

五雜俎續命縷往復遺宵行鼠不得已八風舞

五雜俎花間蝶往復遺春秋節不得已從軍別

五雜俎歲朝盤往復遺遘于不得已行路難

集先恪玉書玉皇心印經字四首

悟得玄中妙冥依日月精金丹能育聖玉骨合無生恍惚三身聚吸呼一

氣成上昇光照耀噴刻自神明

百體皆和滲靈風一氣壘青松出石竅白水印朝光有守神充徧非凋蒂  
固聰明心通萬理履靈混存亡

上藥存眞品持盈合不難深根迴妙竅易理入神丹氣若飛瓊散功能相  
火殘無名非有是在柏不知寒

緜緜與天合知者最精靈七日飛眞竅三神賤有形默然而得紀恍若可  
傾聽焚蘭各自妙身輕入帝庭

純宦曰先恪王者榮恪郡王也王爲榮純親王之子榮純親王爲高

宗第五子愉貴妃所生 又曰余詩所謂寫經親禮玉皇前也 又曰

太素得泰山石刻一百十四字亦集爲詩有詞紀事云秦嶽殘碑新句

讀玉皇心印碎珍珠

洗溪紗

辛卯正月同夫子題鄒小山畫冊十首

澹月籠虛影微風度暗香分明疎雨後含淚倚迴廊

梨花

春雨幾番後春光欲暮時一枝春殿裏無事號將離

芍藥

蚪蔓羅晴空開花紫霧蒙垂垂附松柏幽谷自春風

紫藤

春風入短叢四時花自好秘訣異羣芳顏色長不老

長春

落落疎籬下明明秋水時寒香花寂淨澹墨葉離披

墨菊

一池澄碧水滿樹紫薇花秘閣輕風動宮牆月影斜

紫薇

蟻蟻疑無力婷婷似有情閒階秋露下明月正三更

海棠

脩竹佳人宅空山白日暮翠袖何珊珊天寒怯風露

脩竹

誰翦錦成團明霞映畫闌十分花樣好繡作舞衣看

竹石

凍蕊含春意眞香破臘開絳珠凝秀色海上一枝來

梅臘

鈍宦日太清是年三十三歲

題明慈聖李太后像

像貯慈壽寺  
香雲閣中

慈聖前明后觀瀾坐水旁一登歡喜地千古法雲香有子爲皇帝無權治  
豎璫嗚呼九蓮像遺懽可能忘

五月二十二日夫子購得錢舜舉荷花一軸有諸家題句分和

脈脈春流入小池田田荷葉漸參差倚闌長袖人何處日午花開尙未知  
水滿平池絮點蒼苔待看菡萏向人開虛堂新買錢家畫此際江南正落梅  
半池冷露盡欹東小製荷衣拾落紅破葉尙餘秋色裏晚香猶戀水心中

影娥愁聽三更雨越女空憐一夜風更有方壺舊題句花應開近上清宮

軸中有方方壺  
道士題詩故云

題唐寅畫麻姑像

螺髻雙垂縮墮雲天衣無縫妙香熏從容素手舒長爪綽約醜顏帶薄醺  
滄海迴看幾更變靈臺曠劫自耕耘玉壺常有金精在不許人間下士聞  
蟬

一聲清響午晴初佳趣輸他野客居楊柳條條繫門戶菰蒲面面遶窗廬  
特添朝課催詩卷更費香奩作髮梳最憶東山舊遊處夕陽歸路聽徐徐  
六月十五日東山苗道士寄來七寸許小猴一雙每當飼果必分食之似  
有相愛意詩以紀之

東山苗道士遠寄一雙猴拊背憐同類牽繩喜並遊雄雌各有讓搏擊不相讐殊勝豺狼輩奸心蓄暗謀

鈍宦曰此亦長安俊物也

七月三日夫人期年遣五兒載釧往祭痛成一絕句

悠悠生死一年別忽忽人情幾度催金頂山頭風雨夜殯宮哭奠一兒來  
鈍宦曰妙華夫人以庚寅七月五日逝年三十三逝時以自書遺教經及玉馬爲殉見明善堂詩注自妙華夫人逝後又九年爲戊戌而太素逝余詩所謂九年占盡專房寵四十文君儻白頭也 又曰載釧生乙酉七月九日是年六歲

題畫四首

空山誰建法王壇喜捨慈悲四相寬日午靈風翻貝葉一聲清磬出林端

秋山  
蘭若

麟閣真容若是夫功人功狗跡全無高閒誰寓丹青筆不畫名臣畫酒徒

竹林七  
賢圖

扇頭今見王孫畫天道盈虧本不齊南渡能無亡國恨幽禽應羨一枝栖

明宗室畫  
梅花寒雀

雨中山勢看模糊亂點斜皴樹有無瓦甕酒香供野客竹爐茶熟喚奚奴

煙雨  
茅屋

孟冬朔貝勒初 賜食 坤寧宮祭肉蒸糲

報本思無極冬蒸正格神乾坤一元始天地萬家春穆穆大宗室桓桓諸

子臣懷糕布 恩澤親奉太夫人

鈍宦曰太素以上年十月授正白旂漢軍都統

壬辰閏九月十三夜作

白日莫閑過光陰浪不留讀書良有益觀化邈無休瓜實寒猶綴蛛絲涼  
漸收人情與物理時向靜中求

鈍宦曰太清是年三十四歲

寒蝶

代夫子和潘  
芝軒尙書作

秋容看已盡蛺蝶尙徘徊似戀園林好那知草木摧依依寒斂影惻惻冷  
侵苔庾嶺梅花發何如歸去來

題李思敬畫荷葉瀟瀟



何處雙瀟瀟隻飛棧敗荷涼風入池沼花果已無多

至日

衰顏暗向鬢絲催地漸南游暖漸來春意待看河畔草天心已復地中雷  
晴窗綵線盤金縷碧海靈風破玉梅忽忽浮生三十四百年行樂幾傾杯  
癸巳春雪

春分猶雨雪二月尙重裘淺草埋銀海新條結繡毬冷侵芸閣幔寒入玉  
人樓匝地陰雲重漫天花雨浮紛紛鋪石砌翦翦上簾鉤坐對尊中酒瓊  
瑤落未休

鈍宦曰太清是年三十五歲

二月十五清明前一日雨中作

天桃雙樹粉牆東幾處高枝破小紅莫向年時憂稼穡早從草木兆登豐  
柳煙難禁清明火花氣先愁穀雨風看到成陰結子後天心無物不全終  
次夫子清明日雙橋新寓原韻

蕭寺垂楊岸明湖第幾灣去來今日事二十五年間

余二十五年前侍碧先大人曾遊此寺

瓦淒春殿玉峯看遠山僧窗對流水欲往聽潺潺

欲往城西寺還須待杏花羸軀仍怯冷好景不容賒柳眼蘸春水渡頭明  
晚霞溪山生暝色閃閃數歸鴉

鈍宦曰雙橋寺在 暢春園宮門西時從將軍廟移居此也此爲海淀

寓園其邸第則在宣武門內之太平街太素詩有太平湖巷吾家住車  
騎翩翩侍宴還之句自注云邸西爲太平湖邸東爲太平街余詩所謂

太平湖畔太平街南谷春深  
葬夜來人是傾城姓傾國  
丁香花發一低徊也

游雙橋小寺感懷

小寺舊遊處禪房易舊模  
惟餘老柏樹不改舊根株  
野水消風日方塘雜

稻蒲 前園 前園即爲暢春園 東在望雲裏閉金鋪

寶藏寺 寺有怡傳親王題清涼禪室

寶藏雲峯秀春山碧草齊  
清涼禪客室冰玉主人題  
花雨層臺上泉聲法座西  
登高渺城郭萬井曉煙低

題趙伯駒畫古木寒鴉二首

茅舍自成村蒹葭遶華門  
木凋鴉向背山迴月黃昏  
夜氣迷修渚寒煙生

古原淒涼無限意應念趙王孫

蘆荻暮江邊遙峯落日圓寒鴉三十對老樹幾千年作畫君王後題詩花柳前不知百世下詩畫又誰傳

送春

前一  
日雨

昨夜初晴暖氣烘朝來爽氣到簾櫳一天雲雨春光盡三月鶯花此日終莫厭傷多人中酒最堪憐處絮隨風青青河畔王孫草閱徧流波今古同遊城南三官廟晚至白雲觀

駕言遊南郭十里菜花香水抱城隅曲塍分麥隴長桔槔提柳確精舍就村莊晚過白雲觀仙音出道場

瓠瓢

手種瓠瓢垂滿架，麤枝柔蔓互交侵。  
風吹翠羽軒軒舉，人坐秋涼淡淡陰。  
照夜輕花開白雪，濟川微物抵黃金。  
可能識得壺中樂，造化根源著意尋。  
綠陰如羃影扶疎，驟雨飄風此地無。  
長柄幾經勞畫手，細腰不待減宮廚。  
虛中箇箇能容物，觀化頭頭各趣途。  
應世何妨隨世應，遶籬閒數碧瓠瓢。  
十月十五夢中得二十字

何處紅橋水微風，吹白蘋人從橋上過。  
鷗鷺自爲羣

題乘風破浪圖

征權溯寒流，朝霞宿霧收。  
水連雲夢澤，風滿岳陽樓。  
野浦驚鴻雁，高帆展素旂。  
君山如畫裏，渺渺洞庭秋。

洛神

甲午正月

盼以流波佩以琚芙蓉高綰髻雲梳送君遠矣天涯杳有美人兮曠劫初  
水影煙光迷所適微風落日渺愁予青青不盡芷薜草翠羽明珠總是虛  
鈍宦曰太清是年三十六歲是月五日子載同生以與太清同日故名  
曰載同 又曰榮恪郡王三十六歲生太素太素三十六歲生載同又  
適與太清同日故太素詩有云先考三十六生余頗憾遲我年三十六  
同兒生亦奇生日同伊母生年同我期祝兒同父母名同字同之也

題畫

呦呦仙鹿哨雲中行過層雲第幾重老樹連陰飛絳蝠懸崖急溜臥蒼龍  
長春人酌延年酒萬古天開玉女峯摘得蟠桃一回首洗頭盆對碧芙蓉

柳枝詞

正月燒燈煖氣融天涯何處不春風請看八九沿河柳盡在生機浩蕩中  
二月東風第幾揚狗兒纔吐小鵝黃輸他草色人先見苦蕒茵蔯挑滿筐  
三月清池結綠萍楊花飛過杏花汀流鶯似惜春光盡啼徧郵傳長短亭  
四月黃梅細雨催荼蘼開過棗花開柳條不屬春拘管勾引烏衣燕子來  
五月田家打麥勞綠楊多處亂鳴蜩小船賣酒游人醉一串活魚貫柳條  
六月濃陰繫畫船荷花香到水亭前輕雷又送東南雨搖動青青一樹煙  
七月雙星會有期盈盈一水隔相思何如滿樹垂楊線不管紛紛亂亂絲  
八月涼生桂殿秋冰盤高挂柳梢頭雲階月地知何夕遮斷神仙白玉樓  
九月淒淒霜氣渾亂飛黃葉又黃昏臨歧莫唱折楊柳風雨重陽最斷魂  
十月漫天雪作花柔條葉淨剩枯杈平橋野渡無人處栖定衝寒數點鴉

十一月中樹盡枯一陽復後又扶蘇青蛾不減年時色裝點溪山入畫圖  
十二月來生意含無邊花木待春三新年有象桃符換天地多情柳色酣  
鈍愷曰此十二首太清有朱筆自題其上曰此移入東海漁歌集

落花

一片朝霞落碧城珠簾十二綠陰清雲生西嶺三更雨花散東風萬里晴  
芳樹後庭歌旖旎玉關羌笛怨分明可憐陌上飛如雪半逐春波送客程  
游南谷天台寺二首

三月三日天台寺日午靈風入法堂一段殘碑哀社稷滿山春草牧牛羊  
庭前柏子參真諦洞口桃花發妙香笑指他年從葬處白雲堆裏是吾鄉

寺爲明慈聖李太后所建  
夫子擬葬夫人於此谷中



大南峪裏天台寺樓閣參差雲霧重野鳥山峰皆法象蒼松古柏宛游龍

大圓寶鏡舒千手

寺有大圓鏡鑄千眼觀音像

尺五青天壓亂峯立馬東岡新雨後西

南高插紫芙蓉

鈍宦曰南谷在永定河之西大房山之東後爲太清葬處余詩所謂南

谷春深葬夜來也 又曰太素詞名南谷樵唱蓋與東海漁歌配

題畫

四更殘月上古道有人行霜滿天涯路紅樓夢未醒

題黃慎山水册次原題詩韻

權歌唱徧沙頭灣老樹高枝不易攀行到中流心自在青螺幾點瀨西山  
茂林深處野人廬煙水生涯婦子漁西塞山邊風雨至綠蓑青箬護丹書

長藤不繫往來船風雨篷窗最可憐江水有涯潮有信兒孫生長不知年  
海燕不作一處栖鸞鶴高飛鳧鷖低有情無情各異趣日頭東方雨腳西  
山容不改古今時江柳江花亦不知醉臥扁舟隨所適蒹葭深處唱新詩  
蒼波日夜鎮長流江上何人築小樓烏帽閒眠對江水飽看紅葉萬山秋  
利欲驅人似馬馳不如歸去學癡兒山中共享餘年樂坐對寒梅賦好詩  
山下沈沈百尺潭山頭細細月初三到處雲山好風景賞心何必定江南  
筠簍挑入亂峯羣雨後新茶採霧雲富貴半緣兒女累消閒清况總輸君  
又是東風解凍天雪消人買下江船疲驢破帽誰家叟行過春山多少年

天游閣集卷第一畢

溫語樓校字

天游閣集

詩二

太清西林春著

題無名氏畫松

扇頭畫似巖頭樹滿紙蒼煙撥不開疑是開元畢御史攀雲截取一枝來

王翬畫赤壁賦

秋江如練暮山低縱櫂虛舟好客携柔櫓聲中清露下洞簫吹過月輪西

蔣季錫畫燕子桃花

蔣家詩畫多絕倫燕子如生花有神燕子已迷王謝宅桃花不盡武陵春

題無名氏畫鯉魚

黑雲天矯結層陰潮長秋江九派深一夜芙蓉花盡放鯉魚風起水仙吟

錢元昌升恒圖

霓裳仙子御靈風  
明月如珠映碧空  
天籟無聲歸浩蕩  
大鈞一氣轉鴻濛  
羽分翠扇朝金母  
花散筠籃戲玉童  
曲宴瑤池添鶴算  
蓬萊日出海雲紅

題畫山水二首

板橋一道往來還  
松下茅齋不閉關  
雨後壯添千尺瀑  
雲開忽現兩重山  
穿廊流水聽無厭  
堆案好書相對閒  
隱几先生如喪偶  
幾曾步履到人間  
百道飛泉落屋頭  
草堂四面敞新秋  
此間甲子忘今古  
世上奔馳笑馬牛  
澗水亂流江水浩  
近山缺處遠山浮  
茶鑪藥裹常隨喜  
大好江山得勝游

哭石榴婢

六月七日

哀哉石榴婢相隨僅七年  
十二初識面問答兩投緣  
慧性深知我癡心望

學仙略能探妙微亦解誦詩篇

石榴嘗愛誦予游仙登山諸作

纔見優曇現旋罹惡疾纏

游魂返寥廓湛露散風煙切切憐新鬼茫茫葬薄田賜衣同挂劍

以予常服衣服

之殮送汝鎮長眠

鈍宦曰太清有鵲橋仙詞為夢石榴婢作余詩所謂石榴可惜早生天也 又曰太素亦有悼石榴婢詞三首附錄於此詞云石榴婢今永歸

流輩雙鬢似汝稀聰明不負曾聞道臨沒從容索賜衣

伊臨終索太清所賜舊衣服之

而 又石榴婢無美顏烹茶研墨侍東山新詩喜誦夫人句

伊為太清侍婢故稱側室

為夫白骨幽墳喚不還又石榴婢花優曇七年銀燭侍清談七年已抱

五年病舍利昇床聽小參

伊沒前一夕欲昇入府中其母兄不聽之桂殿秋

題倪雲林清閨閣圖

高士幽居處青山四面迎涼生清閼閣秋滿闔廬城雲影森喬木香幢對  
淨名巖巖自孤立百世表忠貞

題蔣槐歲寒三友圖

蒼皮壓雪龍鱗古細篠臨風鳳尾斜應是玉堂人寂寞巡檐呵手寫梅花

題王端淑碧桃翠禽

風前玉蕊濛濛寫天際浮雲澹澹遮小鳥枝頭相睡穩月明初上碧桃花

題無名氏畫雁

雁聲纔過楚江頭江上蒹葭生暮愁帝子祠前秋水闊冷雲挾雨暗巴邱

題陳南樓老人畫扇

藐姑射仙冰雪姿延年長進紫靈芝飛來何處雙青鳥幽竹叢中占一枝

題馬眉秋荷水鳥

一枝蘆葦壓秋波野鳥飛來意若何借問西風今早晚滿池荷葉已無多

題朱德潤山水

作畫朱德潤題詞岳蒙泉長林橫暮靄野水起寒煙老樹無多葉孤城接

遠天斯圖五百載神韻自完全

白雲觀乞齋

白雲觀裏放齋期十擔黃芽一釜炊乞得一盆真上品菜根風味古人知

自題道裝像

雙峰丫髻道家裝廻首雲山去路長莫道神仙顏可駐麻姑兩鬢已成霜

鈍宦曰像爲道士黃雲谷畫太素有題詞詞云全真裝束古衣冠結雙

餐金耳環耐可凌虛歸去洞中天游徧洞天三十六九萬里闔風寒

榮華兒女眼前歡暫相寬無百年不及芒鞋踏破萬山巔野鶴閒雲無

挂礙生與死不相干

臨江仙

又曰余詩所謂偷翦黃緇便學仙也

食鹿尾

海上仙山鹿食苹也隨方貢入 神京晚餐共飽一條尾卽有鄉心逐物

生

臘月二十二日哭九兒載同

同兒未週歲一旦捨我死誰謂久能忘老淚無時已

鈍宦曰載同以痘殤余詩所謂一夜瑤臺起朔風凋殘金鎖淚珠紅秦  
生晚遇潘生死腸斷天家鄭小同也 又曰載同死以周東村傳經圖



為殮太素有八絕句哭之詩云三尺桐棺萬古廬天倫一載偶相於傳

經圖好判為殉哭子詩成不及書圖置棺中歛於本日申刻時九月種

痘悔誤聽臘月死發徧身青秦公晚識老潘沒過信庸醫讚父經自先是

兒載欽痘後兒女皆情老潘種花今春潘翁沒其第四子於九月間

強與種痘不出妄云此子無痘至臘月初間病伊又用竈底抽薪法與

剋劑和解藥之蓋恐見苗也至月半病亟始更俄羅斯秦醫名婆天下原

無治死方霎時肌肉冷于霜願將八苦因緣本迴向如來大法王恩怨

稠林生死關半由人力半由天同兒生與同兒死甲午詩中首尾編前

朝老輩行看盡今歲喪一大中歲繁憂訝許多十二年間兩喪子欽兒

壬午臘月十七人間空有淚如波正月五日同兒生臘月廿二即長行出胎三

百卅餘日癡心日日望兒成文章願同汝母好頭角不類諸兄癡今年

冬令大不利祭友文仍哭子詩王伯申先生歿於十一月二隔世容顏

惟有夢傳家學業復何言買山新得大南谷卜葬無妨改舊村載欽隨

奕續葬於東壩

乙未元旦

聲聲爆竹散林鴉煙火春城千萬家碧瓦纔臨新日色宮燈未翦去年花  
死生轉覺人情切進退須防道路差節物驚心同逝水等閒誰敢負韶華

鈍宦曰太清是年三十七歲 又曰太素以是年罷職太素以乙酉秋

授散秩大臣時榮格郡王丙戌管理宗學庚寅秋管理 御書處及

武英殿脩書處是年冬授正白旂漢軍都統至是罷又三年逝其歷仕

之可考者如此

填倉二首

京師是日雖闕小巷亦多肉食鄉間尤重更聞內外倉花戶賽神會尤盛

白酒初開臘甕香

皇都景物重填倉豐年餅大兒童喜春社雞肥父老

嘗富貴更須知稼穡古今原不異風光待看好雨催耕早挑菜城南新草

長

傳聞此日賽倉神花戶家家鬪豔春潤富已忘充下役癡肥那計耗官困  
踏青狼藉河邊草拾翠飄零陌上塵風俗總因驕懶慣閨中更有忌鍼人  
二月四日東館見蝶

東館春融二月天娟娟蝶翅已經翻此時庾嶺花深處破繭風來第幾番

二十二日由白雲觀過天甯寺

寺僧善養唐花

遠過天甯寺花香染客裾蘇碑迷故事風障護春蔬野草濃於繡遙山淡

若虛方今正望兩宿麥及時鋤

二十三日雪大作次前韻

一夜東風緊飛璫曳素裾冰花沾繡箔香土潤園蔬火氣融金鼎寒光動  
玉虛芳郊應更好隨處老農鋤

二十四日雪晴再次前韻

迴風吹積雪細細點襟裾曉日明簷溜荆籃賣野蔬十分春可望一飽樂  
非虛布穀尤多事殷勤勸早鋤

春日憶南谷

去年三月遊南谷滿澗天桃散綺霞今日山中春幾許料應開到野棠花  
微陰小閣凝青靄細溜仙源漱白沙擬欲藏書南北洞洞庭禹穴不須誇

夫子曾有詩云擬將平生著殿  
此爲副墨卽指南谷南洞言也

送二女孟文郡君往寮罕爾避暑

人生到處行其素  
天上天寒善養身  
南嚮征鴻脫有便  
早將歸信慰嚴親

鈍宦曰孟文適超勇親王車登巴咱爾

法源寺看海棠  
遇阮許雲姜  
許石珊枝錢李  
紉蘭卽次壁刻錢百福老人

詩韻二首贈之

籀石文章在風流  
天下傳卽看詩句  
好想見老人  
顛遶座飛花雨  
成陰蕩碧煙  
禪房春畫靜  
香接逆風前

春老花盈樹  
丰神借客傳  
綠陰隨日轉  
紅片任風顛  
邂逅江南秀  
檀欒法界煙  
題詩寄同好  
問訊綺窗前

鈍宦曰阮許雲姜者芸臺相國家人許石珊枝者滇生尙書家人錢李  
紉蘭者衍石給諫家人知者太清有正月初七送雲姜歸揚州七月初  
五送珊枝歸武林語見送紉蘭往大梁金縷曲詞注蓋給諫晚年主講  
大梁書院也

向雲姜乞薑梅戲成一律

江南四月梅初熟細雨薰風恰好時上品定然依古法佳名真可入新詩  
糝將老桂黃金粟毫以鮮薑碧玉枝爲問甕中餘幾許數枚乞我醒詩脾  
暮春雨中卽事

絲絲細細竟朝昏兩裏花枝無力翻向晚東風寒氣作對牀燈火早關門  
疊前韻題畫海棠扇答雲姜三首

日暮來青鳥驚人麗句傳乾坤春氣足風雨此花顛梵宇逢仙侶香雲發  
妙煙容顏如可畫紈素寄君前

歡喜堂邊樹花光幾代傳破禪休作惱得意尙能顛疎點愁飛雨豐枝欲  
化煙日斜風亦起相賞片時前

片時須愛惜高興足流傳白髮知誰健黃金不買顛丹青摘枝葉瑤玖抵  
雲煙何幸城南寺相逢十日前

復用前韻題聽松樓遺稿

錢子萬秀才嫡母

能文復見錢陳氏族姓宜其百世昌山色湖光浩無主繡餘收拾入詩囊  
大家羞作女郎詩經術庸言不衍奇老手南樓真有後百年古畫與重披  
上下百年風雅稀近從嘉慶溯康熙名媛誰似錢家盛好古吾生憾畧遲

大雅元音千載同琳瑯重見古人風寒濤萬壑今猶昔化鶴歸來天地中  
鈍宦曰聽松樓遺稿是衍石給諫妻陳爾士作見給諫所撰妻陳恭人  
述畧紉蘭卽子萬妻也子萬名寶惠

四月二十二日雲姜招同珊枝素安紉蘭過崇效寺看牡丹遇陸琇卿汪  
佩之是日雲姜以摺扇囑寫歸來畫折枝梅並題

此行不爲牡丹來况值顛風日日催花裏有緣逢國色院邊隨意坐蒼苔  
玉山小篆題長句古木新芽發老槐感我雲姜何以報墨梅投我報紅梅

雲姜贈墨梅團扇有詞見東海漁歌集是日紉蘭贈有自書小篆題識玉山女子

鈍宦曰素安陳氏太清有爲陳素安姊畫梅小幅一詞陸琇卿名韻梅  
吳潘星齋侍郎曾妻汪佩之名紉蘭潘紉庭光祿曾紉妻陸汪並能



詩見惲珠 國朝閩秀正始集

春日游法源寺前後和錢侍郎詩五首乃雲姜遂和詩至六首叙蘭和詩  
至七首並又篆書七言長歌送來余不獲已復次前韻三章答之

媿媿佳章至煌煌秦篆傳服君在毫末進步向竿頭詞瀉桃花浪才翻玉  
樹煙何期闔閣輩傑出欲空前

熟讀古文字名姝秀水傳書成吳氏韻才法米家顛金薤垂仙露玉堂森  
寶煙清風灑幽谷蕭艾別當前

今人多鹵莽無實望名傳偶爾傳流俗轟然遂倒頭吾儕視若贅坊刻滅  
如煙二子真知我相期雅頌前

重題墨影夢痕圖

幻影浮泡無處尋風花彈指去來今人間甲子牢牢記海上波濤浩浩深  
入譜卽非虛玉鏡孫靜蘭許字雲姜之長子阮恩光未嫁而天聞已載入阮氏家譜除災悔不下金鍼傷  
心一片桃花影依舊春風到武林

鈍宦曰太清曾填乳燕飛詞題是圖故曰重題也 又曰孫靜蘭為雲

姜女甥又許字雲姜之子恩光恩光為芸臺相國第五子福之子雲姜

蓋許周生駕部之女芸臺相國之子婦 又曰雲姜名延錦見相國為

駕部所撰家傳 又曰梁楚生恭人編補古春軒詩集有哭外孫女靜

蘭詩又有答太清福晉惠詩七律一首 又曰太清為許演生尙書母

夫人之義女仁和許氏與德清許氏聯譜故太清與兩許皆往還

魚竿

大魚不上鈎小魚不中食寄語釣魚人莫費閒心力

和雲姜韻 雲姜來詩索錢野堂山水余以壁間四幅盡解贈之先以畫

倩題不意今為魚聽軒有也

莫漫相思畫裏人畫中人與畫中親青山四幅乘風去畫不通神詩有神

原唱一夕喚連畫裏人相思何日得相  
親怪來宜有堂中物望爾通神竟不神

次日雲姜書來告我四幅雲山盡為紉蘭移去奈何云云余復以野雲紫

薇水月一軸相贈遂倒押前韻成詩五首

詞源浩浩一何神天與遭逢我輩親今歲端陽不辜負清池明月紫薇人

錢家書畫總如神那及蘭仙日日親紉蘭與雲姜鄰  
居故戲比之移去一枝天上種紫

薇花對玉堂人

玉堂人是玉精神消遣芸窗筆墨親皓月遲遲相照處滿池花影伴幽人

天孫終日伴花神

天孫謂雲姜花神謂級蘭

花與雲山一例親賸我虛堂惟面壁紫薇

莫更贈他人

負去五山力果神

前曾以野堂山水一幅贈級蘭故云

書來告我見交親篋中尚有錢家畫

留贈喬年富貴人

家中尚餘野堂喬松牡丹二軸擬待雲姜四句為壽

題南谷清風閣次夫子韻

纔喜甘霖又喜晴黑雲翻墨霎時成晚風吹雨東南去雌霓如環見化城

電光一掣即聞雷千丈銀濤挾雨來疊疊羣山生潤氣鱗鱗高屋長新苔

迺因高嶺起高樓東北遙山入望收

聞夫子言雨後閣上可望數百里

後二十年家事少

相隨此地共遨遊

四面窗來四面涼紅梨一樹正朝陽白雲深處清風閣總使忙人亦不忙  
海日初臨大樹尖京西勝境此新添倩誰妙筆圖南谷高閣分明細草纖

題手蓉甥女白蓮花團扇

手蓉為芸臺相國女孫

靈苗生長相公家疊雪裁冰印曉霞翠扇臨風香過處一枝清淨女兒花

鈍宦曰相國有女孫思難能詩著有慈暉閣詩鈔為劉氏所自出手蓉

當是雲姜女故太清稱以甥也

既選宋詞三卷遂以詞中七言句集為三十八絕句

韶華不為少年留

秦觀

捲地風前更掉頭

陳師道

人在瓊雲方響樂

吳文英

功名

一笑付糟邱

黃庚

樓上晴天碧四垂

李清照

一波纔動萬波隨

黃庭堅

道人妙手親拈取

呂濱老

漫

有才情付與誰黃庭堅

素絃一一起秋風吳文英 銀字笙簧小小童毛滂 我是行人君是客石孝友 雲煙

過眼總成空黃庚

老來易失少年歡黃庭堅 付與旁人冷眼看黃庭堅 一棹碧濤春水路晏幾道 滿

湖山色入闌干吳文英

春與猿吟秋鶴飛辛棄疾 向來人物幾興衰張元幹 浮雲富貴何須羨石孝友 結

習空時不點衣吳文英

醉扶怪石看飛泉辛棄疾 人事如潮多往還黃機 一曲游仙聞玉磬吳文英 樓臺

春鎖碧雲灣吳文英

聽我尊前醉後歌辛棄疾 黃花壓帽醉嵯峨周紫芝 人間風月如塵土周邦彥 尊

酒年年樂事多

周紫芝

階前春草亂抽芽

趙長

更比秋花冷淡些

吳文

憶我當年醉時句

黃庭堅

半

壺秋水薦黃花

吳文英

喚君同賞小窗明

陸游

初聽黃鸝第一聲

葉夢

邂逅故人同一笑

蔡秋風

江

口酒初醒

石孝友

棗花金釧約柔荑

秦觀

準擬階前摘荔枝

黃庭堅

滿地綠陰人不到

葉夢

小蟾

斜影轉東籬

吳文英

關南桃樹幾番紅

史達祖

楊柳初搖短短風

張孝祥

側帽胭脂坡下過

陸游

一尊

何處與誰同

石孝友

月細風尖猶未歸

程垓

乍涼秋氣滿屏幃

周紫芝

月華深院人初定

吳文英

細雨

三更花又飛吳文英

眼波時帶睡朦朧周紫芝日日青樓醉夢中張孝友任是行人無定處秦觀依然

流水小橋東黃昇

青青楊柳水邊橋石孝友搖斷吟鞭碧玉梢辛棄疾羽調六么彈徧了吳文英銀

燈一曲太嬌嬈晏幾道

半養煙雨舊衣冠周紫芝黃菊枝頭生曉寒黃庭堅霧閣雲窗歸去也吳文英一

聲玉磬下仙壇吳文英

東湖春水碧連天辛棄疾水上鳴榔不繫船周紫芝忙日苦多閒日少陸游一場

春夢杳難圓衛芳華

東風吹落一庭花康與之冷豔疎疎瘦影斜石孝友十二闌干慵徧倚張元幹莫



教鷓鴣送韶華

晁補之

畧為清歌住白雲

黃庭堅

安知老柏與靈椿

劉克莊

但將痛飲酬風月

辛棄疾 箇

箇教成百歲人

黃庭堅

淡煙流水畫屏幽

秦觀

家在東湖湖上頭

石孝友

簾外殘紅春已透

李煜 小樓終

日望歸舟

張元幹

整頓征衫欲跨鞍

洪适

舊游重到忍重看

蔡伸

醉鄉路上多芳草

黃庭堅

李下何

妨一整冠

黃庭堅

待到黃昏月上時

程垓

今年歌盡去年枝

黃庭堅

巖花滴露花頭小

周紫芝

未必

秋香一夜衰

黃庭堅

寶簾閒挂小銀鉤

秦觀

人在溪邊正倚樓

蔡伸

寒食清明都過卻

張元幹

落花流

水一春休趙長卿

釵燕慵雲睡起時吳文英東風彈淚有誰知己馮延巳簫聲淡月梨花院周密傳語

西風且慢吹黃庭堅

畫餅功名莫浪求石孝友落花飛絮兩悠悠沈端節俗人不用嗔貧道黃庭堅萬

頃雲濤一葉舟蔡伸

多情山鳥不須啼辛棄疾上有青楓下有溪辛棄疾水本無情山又遠張元幹勸

君莫上最高梯李清照

王孫眉宇鳳凰鵲晁補之萍水相逢無定居石孝友借問行人家住處辛棄疾溪

南脩竹有茅廬辛棄疾

樽前誰為唱陽關王誥占斷長江相對閒黃機綠徧芳洲生杜若張元幹春愁離

恨重於山

石孝友

歸來魂夢帶幽香

呂濱老

幾樹鳴蟬餞夕陽

張炎

渡水穿雲心已許

黃庭堅

旁人

拍手笑疎狂

劉克莊

今年寒食又花開

沈端節

幸有江邊舊釣臺

劉克莊

北斗秋橫雲鬢影

吳文英

不

知何處御風來

張孝祥

蘭皋空漲綠溶溶

黃昇

人在珠簾第幾重

張孝祥

見說蘇堤晴未穩

張炎

詩情頻

在兩聲中

史達祖

醉花春夢半香殘

吳文英

燭影搖紅夜向闌

王詵

風拍小簾燈暈舞

吳文英

忍教

三疊唱陽關

洪適

酣酣日腳紫煙浮

范成大

青鎖窗深菊未收

程垓

留取光陰重一笑

周紫芝

東君

都不管閒愁

沈端節

三分春色二分愁

葉清臣

漠漠清寒上小樓

秦觀

燕尾竇刀窗下夢

史達祖

如何

容易買歸舟

黃機

楊花芳草徧天涯

史達祖

晝日無風也帶斜

蔣捷

寄語紅橋橋下水

陸游

別時相

見有荷花

蔡伸

春花秋葉幾飄零

石孝友

不見居人只見城

蘇軾

一望鄉關何處是

闕名

剩雲殘

日弄陰晴

辛棄疾

愁雲恨雨兩兩縈牽

柳永

聚散忽忽不偶然

辛棄疾

梅徑已經香雪凍

石孝友

素娥

青女鬪嬋娟

周邦彥

碧雲天共楚宮腰

晏幾道

花不知名分外嬌

辛棄疾

燈火錢塘三五夜

蘇軾

當時

相候赤欄橋

周邦  
彦

箇中風味更難忘

張元  
幹

兩過芙蓉葉葉涼

黃

三十六陂人未到

姜

誰將消

息問劉郎

康與  
之

中秋寄仲兄

茫茫四海少朋儔  
應似東坡念子由  
今歲秋來寒特早  
西風和淚寄羊裘

答古春軒老人

閩歲寒深九月初  
天風吹到老人書  
清霜西嶺添紅葉  
秋水長江足鯉魚

白髮高堂應健飯

上聲

虛名後學敢承譽  
憑欄目斷雲千里  
欲倩征鴻問起

居

鈍宦曰古春軒老人者許周生駕部之妻錢塘梁楚生恭人也楚生所

著有古春軒詩鈔其女雲林雲姜皆與太清善

題春山霽雪石畫

碧山如畫自天成  
陡澗春融雪後冰  
昨夜東風吹夢醒  
曉霞烘染一層層

題江光山色石畫

江上雙峯擁髻螺  
山雲如練壓滄波  
案頭飽看江山景  
石畫分來相府多

鈍宦曰石畫當是阮芸臺相國家物故詩中有相府云云石出雲南大理府相國曾開府滇黔也

讀芸臺相國擊經室詩錄

深閨得誦令公詩  
想見乾隆全盛時  
爲相爲霖真宰相  
乃文乃武大宗師

次雲姜韻

新詩吹下鬱羅天佐以羞珍侑我筵從此初兒增福壽

是日入兒  
載初生日

阿姨綵

筆寄瑤篇

殆交小雪寒初冽把卷焚香畫掩門一夜西風吹不去擁階黃葉似山村  
種菊人家記姓王遠廬高樹自成行老農更有來年約三月花開看進香

鈍宦曰太清蓋三子載劍行五載初行八載同行九

十月盆梅作花用竹葉菴夜賞盆梅詩韻

洞戶深深絕點埃老盆叢發去年梅玲瓏素壁移花影疎密豐苞積玉堆  
紙帳依稀塵夢遠畫屏勾引好詩來圍爐自煮冰壺水共飲清茶一杯  
題王叔明聽松圖

山上飛泉接斗杓白雲隔斷路條條青山青到無青處認取松聲過短橋

題華冠芭蕉

華冠善畫芭蕉影小葉拳時大葉披清夢醒來風又雨綠天涼到夜深時  
題翠華宮內使陳喜畫石榴

午日金鋪射翠華御鑪香靄透宮紗宮人特染硃砂筆獻上石榴海外花  
同珊瑚枝紉蘭集雲姜東煖室作

昨日相邀宴小齋窗明几淨絕飛埃玻璃不礙斜陽透移過琅玕瘦影來  
題千葉紅白桃花

一枝穠豔下層霄海上仙人著紫綃借問瑤池多少路三千六百赤欄橋  
仙源有路泛輕舸兩岸東風戰碧桃看到夜深明月冷落花春捲武陵濤  
借讀石畫詩三十二首同夫子作



深衣緩帶古儀型左倚祥雲擁巨靈絕壁摩窠書大字分明南極老人星

點蒼山  
畫仙像

夕陽西下亂飛鴉嶺上寒雲一片遮况是黃昏風亦起深林棲穩老枯杈

寒鴉

濛濛細雨滋紅杏鸚鵡晴絲罥綠楊好是初三新月上一痕清影代斜陽

初月殘陽交換影綠楊紅杏共扶春雲畫先生句也

渺渺秋江煙水寬冥冥小艇泊江干風恬浪靜清無限遠是斜陽近是山

秋江  
漁隱

春水迷天淡欲無春山過雨綠模糊東風一夜吹花嶼卽有新芽長嫩蒲

春湖花嶼卽秋江漁隱之背也

六出瓊華碎玉旋凍雲低壓好峯巒老梅澗底吹橫篴鐵腳仙人踏亂山

雪人峯  
雪仙像

天開萬朶錦芙蓉半嶺殘陽日腳紅遠近峯頭蒸紫氣碧雞金馬插高空

先生望金馬峯句曰夕陽無此好峯樹望碧雞  
山句曰况當落日餘霞候正是塗金刷翠時

泠泠玉露泣花光縹緲高寒月殿涼今夜嫦娥開碧戶黃金瓔絡散天香

嶺桂  
花

昨夜溪橋乍見霜山深霧冷近重陽開窗飽看前村樹一帶長林落葉黃

傲元傲之  
樹木研屏

山中怪石無心長天上浮雲任性飛石長雲飛天不管自然原不與天違

白雲抱  
幽石

清風小漾碧漣漪玉旆珊珊媚綠池天上片雲催好句萬竿煙雨冠當時

綠篠娟清漣卽  
白雲幽石背面

天開畫本要人看金粟生香玉露殘嶺上長風吹不盡須知高處也禁寒

桂生  
高嶽

西風黃葉變青桑十里秋林隕曉霜天氣漸寒絲已盡特將詩意惱吳孃

秋桑圖先生有秋桑  
四首見文選樓詩存

雲淨天清霽色開剡溪雪浪似銀堆貂裘老子推窗看知是山陰道上來

剡溪  
雪浪

千年靈氣爲誰開特費開雲種玉才更向雲端翹首望仙人並跨鳳凰來

雙仙畫石圖次  
先生自題韻

輝輝曉日射仙都  
兩洗煙霏樹影蘇  
偶倚寺門看對面  
凌空十丈綠浮圖

綠浮屠圖

好景最宜春  
雪後淺紅深碧總  
堪誇玉盤高湧團  
團月銀海光搖富  
貴花

白牡丹圖

衝寒行過亂山中  
馬首西來背曉風  
殘月未沈將曙色  
雲臺峯頂日光紅

雲臺清曉

雲霞海上秋成早  
禾黍原頭反照明  
日暮漁樵人不見  
遙山一抹紫煙橫

紫煙

江上青山無數重  
松梢半是白雲封  
雲中應有仙人過  
指點蒼蒼十九峯

十九峯

東風又聽鳥間關斜日遲遲水一灣晴雪渡頭吹柳絮夕陽花外淡春山

夕陽  
花塢

長天一掣電光紅霹靂焦雷過嶺東日腳昏昏知雨重四山雲起滿樓風

暑山  
蒸雨

華嶽峯頭瞰日輪白雲深護碧霞君桑田滄海隨時變一笑人間竟不聞

嶽頂  
俯雲

秋日看山秋雪晴雪晴天外片雲輕懸崖留與仙人坐白玉樓臺隱碧城

點蒼  
秋雪

匡廬峯頂挂飛泉千古風流李謫仙讀盡好書聽盡瀑水雲聲裏寄閒眠

翠峯  
霞影

桃花開到十分色春水纔生四尺波春水桃花留不住夕陽紅處已無多

夕陽  
花塢

鷗波小幅遠山低落日沈沈山影齊淡染斜陽濃染樹斜陽又在遠山西

夕山  
沈綠

水淨巖陰留客處風輕浪細放船時翠微移過西風影千仞蒼煙罨溪陂

峯陰  
凝紫

江北江南春向融梅花不減古時紅絲絲楊柳初生葉平戰春波颺好風

江梅  
春渡

碧障溶溶草木春時晴漠漠曉煙昏長江萬里添新水一路春蕪綠到門

煙江  
疊嶂

曉窗開對碧嶺巖爽氣凌晨溼翠翹應是昨宵新雨過一痕眉綠爲誰描

窗納  
遙青

翳翳長松小小童巖花澗草不知冬仙人采藥無尋處似隔寒雲有路通

雲深  
采藥

鈍宣曰三十二首皆爲芸臺相國作

除夕翦唐花及松枝插瓶戲成一截句

半生苦樂忙中過萬里春風大轉關笑翦唐花相對語一年詩債又償還

天游閣集卷第二畢

溫語樓校字



天游閣集

詩三

太清西林春著

丙申元旦

去年詩債已償還又續今年筆墨緣花散黃金開棣萼

瓶中供棠棣

香凝紫碧

裹松煙文章依舊當精進日月常新任變遷更喜高堂身尚健斑衣兒女拜庭前

鈍宦曰太清是年三十八歲

生日

三十八年日月催年年此日不勝哀弟兄幾處增惆悵朋友多人數往來

是日珊瑚枝雪姜紉  
蘭素安皆來賀

新歲新詩重起草相逢相賀共銜杯繡簾深護東風煖

繞座桃花無數開

鈍宣曰是正月五日也

題南樓老人魚籃觀音像

稽首慈悲觀世音一籃隨手任升沈  
參差碧藻承仙鯉瀟灑風鬟澹素襟  
四相本來無我相深心普入衆生心  
南樓已證菩提果補紡傳家兩字箴

南樓老人有  
補紡小印

上元前一日同夫子攜載釧載初兩兒叔文以文兩女游白雲觀過天甯

寺看花作

出郭尋春何處尋朝陽初上古松林風前嫩草剛吹綠  
雪後殘雲半作陰  
清淨道中參妙微步虛聲裏靜塵心  
看花紫綬歸途緩耳畔猶聞鐘磬音

鈍宦曰叔文名載通行六以文名載道行七叔文適承恩公崇端

賦得三十六宮都是春集唐詩用清平三調爲起句

雲想衣裳花想容丹鑪猶用紫泥封自然碧洞窺仙境只有高唐十二峯  
一枝穠豔露凝香十二樓中盡曉妝西望瑤池降王母衆仙同日咏霓裳  
名花傾國兩相歡鶯鶯囀皇州春色闌日暮漢宮傳蠟燭碧城十二曲欄杆  
詩成又題一絕句

沈香亭上謫仙人醉墨揮來任性真一自清平題好句花開三十六宮春  
二月十日雨同夫子作

曉起開簾望東南雲勢稠雲時蘇地脈萬點解民憂雨洗花枝潤煙霏柳  
帶柔卽看春意足細麥秀皇州

花朝後一日作

半春愁不雨風信失芳菲冷霧欺花萼浮雲障日輝何曾因酒債亦可典  
朝衣綠徧西山草相將共采薇

春游 花朝後同夫子攜兒女宿潭柘十二年前曾侍先夫人游今日重

來山徑猶然人事殊昔昔日從者竟無一人得不感哉遂賦五言三章

十二年前路重來景尙同人非當日伴花著舊時紅澹綠雲中樹高寒嶺

上風深深潭柘寺修竹隱 離宮

碧嶂接青霞山陰日影斜虛亭繞流水佛殿養靈蛇銀杏將生葉辛夷已

放花憑闌同一望半爲暮雲遮

晚借禪房宿吟詩對酒缸松濤深入夢山月冷侵窗夜靜聞天語

寺中南樓有

聖祖御書經聲  
夜靜聞天語

燈昏暗佛幢粥魚催客起塵慮澹能降

鈍宦日聞太清游西山馬上彈鐵琵琶手白如玉琵琶黑如墨見者謂  
是一幅王嬙出塞圖也

二十日游戒壇晚宿南谷

曉起出叢林嵐光深復深放懷同策馬悅耳雜鳴禽法座仍如昔 行宮

久不臨循碑瞻

御翰得見

聖人心

寺有高  
宗詩碑

二十一日清風閣曉望

兩度來南谷佳城碧樹環鳥聲驚夢醒雲彩共人閒高閣延朝日晨妝對  
遠山新煙出村落花木認般般

二十四日同夫子聯騎渡慈溪游萬佛堂觀孔水得開元石刻一吳郡盧

襄詩碣一遂以十金易於山僧載歸而大歷碑已不復覩矣

風雨杏花稀殘英沒馬蹄裹糧探古蹟聯轡渡慈溪陰洞投龍壁

碑記開元遺呂

慎盈三投龍壁於此淵

高碑失舊題歸途逐流水荇藻碧萋萋

鈍宦曰太素詩所謂盧襄詩與開元碣許我相攜出翠微也

二十六日登東坡

昨日經過處

昨日游車爾營路曲村陋無詩

登高望杳茫梨花千樹雪春草滿山香畫棟

新妝閣荒臺舊法堂

毀天台寺作清風閣

欣欣幽谷裏百鳥奏笙簧

二十七日登清風閣後西北最高峯

步上最高峯巉巖小徑通陰崖飛異鳥絕壁走憨童

童子段八能援峭壁采山花

山豁

東南濶花光西北豐登臨渺下界目斷四天空

二十八日午發南谷晚宿雲岡

歸騎宿雲岡東風到海棠老僧成壞塔過客坐禪房官路聞鳴鐸春衣怯

嫩涼故人書屢至相譚問梅裝

十日兩得雲姜書中途又接叔蘭書  
因予廿一墜馬故書中有梅裝之譚

二十九日雨中曉發南岡

好雨及時耕煙村畫不成桃花何豔冶楊柳太輕盈雲起萬山失天開大

水橫東風晴未穩一路聽鳩鳴

游孔水用吳郡盧襄石刻詩韻

溪去山樓凡七里平坦不煩折屐齒下有泉源上石堂萬佛妙相參差倚  
青苔亘古不見日森森濃綠疑無始龍泉古壁何年失虎尾春冰豈可履  
夕陰水鳥上漁梁倒映山容碧灘墜人生行樂須及時花外光陰去如矢

開元殘碑嵌絕壁幸得盧襄刻詩紀出山一路又看山二水合流成漫水  
名水馬耳東風拂面香鴛鴦屬玉驚人起歸塗借問今何時梨花桃花纔結  
子渺渺春波萬古閒悠悠天地長如此借隱何辭挽鹿車雲水遨遊勝朝  
市

三月晦日同夫子游黑龍潭至大覺寺路經畫眉山

城西百里多名勝知樂無過山水間指點黑龍潭對面一痕蛾綠畫眉山  
夜行翠微山麓遂宿龍泉庵

籃輿一徑入雲深兩兩明燈過樹林吹面不嫌山氣冷滿天星斗壓春岑  
次日游秘魔巖

探幽曉入秘魔巖澗草巖花萬木攙石磴迢迢接霄漢法雲靄靄護經函



歸路過靈光寺看古藤老檜

靈光山寺鎮南坡千載靈光秘不磨滿院蒼煙濃蔽日長藤老檜互交柯  
畫眉石次夫子韻

春波黯黯春山碧千古風流一片石車馬閒游送暮春清和首夏逢初一  
明昌盛時四海通太平交聘徠蠻戎可憐山色青如許猶似雙鸞對鏡中

金明昌時宮  
中多取用之

四月三日白雲觀看道場作

招颭霓旌幡影長蒼松深護古壇場全真大道傳中極太素輕煙發上方  
宇宙不關閒甲子水雲聊可混行藏冥冥丹竈初開火紫氣朝元守一陽  
歲丙戌夫子游房山得山水小軸甲午問題丙申夏偶檢圖書又互次前

韻各成二首

世間歲月去堂堂紅日西馳影下廊瀟灑雲山高士樂太平章句道人狂  
披圖共話十年事好景終歸一卷藏近水遙峯看不盡蓬萊應在海東方  
水搖素練浮清泚山送嵐光索好詩遜世與人無不可放懷隨處總相宜  
妙音入耳飛雲瀑翠壁當門老檜枝更有青童侍左右玉笙吹到夜涼時  
續讀石畫詩十八首同夫子作

春山如笑原非笑絕似紅顏欲笑時澹冶煙光動游興不涼不熱最相宜

春山澹  
冶如笑

猶記嚴江兩度游一逢三月一深秋畫中夏景今方見萬壑千岩翠欲流

夏山蒼  
翠欲滴

嫩涼天氣變輕寒雨霽羣峯翠黛寬總說如妝猶未似好山原不爲人看

秋山明  
淨如妝

兩岸青山人穩睡一江寒水雪初消畫師好手真難得咫尺圖成萬里遙

冬山慘  
淡如睡

一棹春波去路深夕陽又下碧山岑重來縱有漁郎問滿澗桃花無處尋

桃花  
源圖

燦爛雲霞蒸海氣迷漫梅柳迎春端渡江此景尤宜曙鳥語人聲一倍歡

雲霞出海曙梅柳渡江  
春卽安石東山之背也

雲輕日靜天如洗一瓣心香古佛龕  
梔子花開清夢醒綠蕉低護水晶簾

蕉林  
天影

潮生潮落洗沙痕野水初消老樹根滿載清風好歸去酒帘遙指夕陽村

秋溪歸棹  
用蘇詩韻

雪後園林花更肥雪晴雲澹月光微美人深夜來何處花有清香月有輝

梅影用  
相公韻

濛濛煙樹指東吳楚客西來帆影孤寒雨一江人半醉篷窗臥聽枕冰壺

寒雨連江  
用原詩韻

平生留意好峯巒願得將身住此間看到黃昏雲乍起冷煙殘照暗秋山

秋山  
暮靄

漫漫春水漲波痕兩岸餘霞水氣吞應有漁人深樹裏小舟雙槳出桃源

桃源

千年流水韻淙淙萬朵芙蓉簇錦江一自高唐人去後至今猶見彩雲降

彩雲  
錦浪

風緊雲陰胡不歸遠村尙有幾斜暉晚來莫戀秋光好請看柴門倦鳥飛

鳥倦飛  
而知還

晚山相對碧沈沈雲起輕煙漸作陰驟雨飄風不終日白衣蒼狗本無心

雲無心  
以出岫

碧城林麓雲中樹金雀觚稜江上山瘦不能增肥不減特將妝飾傲煙鬟

金碧沒  
骨山

疎雨含煙合翠流遠山如畫黛眉脩何時得遂雲霞志獨立高峯最上頭

翠峯  
疎雨

冷雲飛過一層層  
層雨洗羣山  
結綠冰  
總說石頭滑不穩  
山無盡處有人登

層山  
煙雨

自題梅花便面

風帷小影抱寒梅  
忽訝低枝近水開  
不許飛花驚鶴夢  
月明人逐暗香來  
四月十三日聽坤鶴老人說天仙戒是日雷雨大作旌旆霑溼口占一絕

句紀之

太乙真人坐玉臺  
雲璈聲動衆仙排  
電光一掣挾飛雨  
應是神龍聽法來  
夏日城東泛舟歸來有作

卅年不到城東去  
雲水空濛接遠天  
野岸新蜩鳴偶爾  
山門枯木尙依然  
已非昔日僧迎客  
猶記當初柳繫船  
一路薰風吹酒醒  
重城西望隔蒼煙

夏至同夫子登天游閣

至日登樓有所思連年亢旱奈何斯滿天赤日蝸聲急五段紅欄燕影遲  
西嶺浮塵難作雨東鄰老樹半枯枝總然殿閣無炎熱更願滂沱早及時  
苦旱用王摩詰苦熱韻

連年苦雨少祈雨徧山嶽麥苗不及尺井泉半乾涸久旱望雲生雲生亦  
輕薄何況多病身所思惟浣濯仰看飛鳥稀黃塵塞寥廓苦熱欲飲冰奈  
茲河水濁爲善可迴天人心苦難覺兒女不知愁尙作馳趨樂

五月二十三夜作

臥聽車聲似遠雷風枝彷彿雨相催欣然自起推窗看依舊明星照夜來  
六月十三日游善果寺同夫子作

毘盧高閣隱青霞老檜千尋特屈拏  
遶座飯香僧過午一聲鐘定客留茶  
靈風乍滿胡桃葉妙色將開紅藕花  
行盡迴廊看聖蹟如來法界本無涯  
寂寂禪房淨初來得勝游妙蓮華  
色好多寶塔光幽今古原無住身心  
任去留鳴蟬當雨後涼意報先秋

栽竹

買將修竹對窗栽一徑濃陰護薜苔  
其奈到秋仍缺雨可憐終夜但聞雷  
嫩梢刺眼搖青旆膩粉沾衣脫紫菱  
更望凌雲千萬尺九苞能引鳳凰來  
六月二十七夜坐口占

小坐閒階下啾啾宿鳥驚草根凝暗露  
竹影澹孤檠半夜人聲靜雙星河  
鼓橫携燈尋夜色涼在豆花棚



中元次夫子韻

秋原聞說飽秋霖卽見青蒿知雨深  
桂子荷花多似舊西風涼月又如今  
然燈偶逐兒童戲玩世頗工長短吟  
好景莫辭清夜飲遶階蟲語任浮沈  
中秋後一日同夫子往南谷宿清風閣

西風原上草離離百里高空一望之  
滿澗黃花開瑣碎半秋清露潤丰姿  
碧山待我有今日好景娛人須及時  
夢醒西窗殘月影枕邊移過老松枝  
十七日雨中游雲居寺房山縣早飯

蕭蕭疎雨趁行程山草山花夾道生  
小縣寒烟成密羃野雲高嶺不分明  
石頭路接西來路流水聲參念佛聲  
松下清齋留信宿夜深蟲語近燈檠  
十八日午晴尋西域水源是夜又雨

行盡山村問水源源頭齒齒亂流喧盤陀坐久渾忘去忽見西南山又昏  
十九日曉晴回南谷車中作

日出新晴秋草香陰崖寒露漸爲霜幾家茅屋沿山住一陣西風刮面涼  
細水流沙清澹澹野花村婦澹梳妝多情最是溪邊柳送客依依過短崗  
二十日訪背陰洞題壁

山窮忽有路騎馬入天台仙犬迎人吠幽花背日開風吹雙翠袖霧冷古

蒼苔不見元都客留題擬再來

是日道士他出

二十一日尋視田園疆界晚歸

秋蔬晚飯又登臨高下田園策馬尋柿葉半紅梨葉赤遠山夕照近山陰  
待交寒露風吹帽未到重陽菊可簪翹首暮雲飛畫棟一樓燈火隱深林

二十二日回京早飯雲崗村

三度雲崗信有緣山僧蔬筍意欣然海棠不似春來日憔悴西風最可憐  
題白晝菊花寄古春軒老人

夢遶吳山路淒淒秋夜長西風初過雁黃菊又經霜畫意傳千里詩懷各  
一方遠書頻寄我襟袖有餘香

次夫子對菊韻

霜重高樓曉更寒起來殘月隔窗看人生百歲尋常過詩到中年漸可觀  
老筆隨心殊豔冶時妝刺眼費鉛丹欲將花樣圖於壁夢逐西風遶翠巒  
聞雲姜定於明春九日南旋賦此

兩載交情千古深聞君欲去悵分襟雖當正月風光好尙恐長途冰雪侵

從此相思勞遠夢頻將書信慰予心來年願訂歸期早腸斷陽關一曲琴  
鈍宦日時芸臺相國予告歸揚州也

至日

一年節候又冬至無雪多風過半冬青瑣窗深殘菊在紅珠帳煖曉妝慵  
近來兒女爲身累老去精神似病容世事茫茫催臘盡不煩葭管應黃鐘  
臘月十三日雪中天寧寺看唐花且邀後日諸姊妹同賞

零冰飛素下瑤臺搓粉西山似玉培好景不辭今日飲唐花能見幾回關  
碧桃小盜參秋菊修竹深叢間老梅遙憶城南諸姊妹相邀雪後一同來  
十五日雪後同珊枝素安雲林雲姜紉蘭佩吉天寧寺看西山積雪卽席

次雲林韻

西山積雪爲誰妍洞裏花光春浩然又被夕陽催客去微風颺雪送歸鞭

鈍宦曰雲林卽雲姜之姊陳左海撰周生許君墓志銘云長女適原任

監察御史孫球公子承勳卽雲林也 又曰太清題曇影夢痕圖詩爲

孫靜蘭作靜蘭爲雲姜之甥卽雲林之女也 又曰會稽潘素心撰梁

楚生恭人古春軒詩序云恭人有女公子二一適孫上舍承勳一適阮

部郎福皆僑居京師與余家往來最契 又曰佩吉能鼓琴仁和許氏

之女甥見許玉年大令乃穀瑞芍軒詩注

歲暮寄仲兄用東坡和子由苦寒見寄韻

雪後北風起歲暮臨新年言念客中人何日方當還旅食恐不周多病凋  
豐顏一月兩寄書一書五六篇告我客中事略有好因緣縣令與之游我

聞心喜歡吾兄本書生所餘惟青氈明哲貴保身思退慎進前出處各有  
時請看墀與堦樂道毋憂貧仰不愧於天且待春風至萬物同新鮮寄以  
敝狐裘副以蒼玉環翹首望南雲新雁將北旋

歲暮寄雲林城南兼送雲姜

昨聞婢子言知君抱微恙思君不得見寸心時怏怏奈茲歲云暮年事多  
主張又聞遠行人籠箱理帷帳去去不能留悠悠空悵望時遇早春來條  
風扇和暢弱柳垂新條煙絲散晴曠綠水融堅冰征車好南向相與送將  
歸陽關不忍唱

除夕立春

爆竹聲中報立春辛盤柏酒味清醇醉眠且作今宵夢明日一番風物新

天游閣集卷第三畢

溫語樓校字

天游閣集 詩三

十三

風雨樓





天游閣集

詩四

太清西林春著

鈍宦曰天游閣詩闕第四一卷蓋皆丁酉一年所作而卷五篇頁特多析爲二卷以符原數其第四卷不知尙在人間否

戊戌元日

新歲日逢甲乾坤天地清條風扇和氣化日煦春晴節候一元始鶯花萬象更亦知爲善樂所以貴吾生

鈍宦曰太清是年四十歲太素卽以是年卒余詩所謂四十文君儻白頭也

四十初度

百感中來不自由思親此日淚空流雁行隔歲無消息詩卷經年富唱酬  
過眼韶華成逝水驚心人事等浮漚那堪更憶兒時候陳跡東風有夢不  
上元後一日恭祝夫子四十壽

八十平分賦好春

予與夫子同生於己未

花燈壽筵又更新萬言詩句垂千古一氣

洪濛合大鈞鶴算長天開絳帳鹿鳴小雅宴嘉賓爲屏樂善無餘事且放  
笙歌醉月輪

往香山訪家霞仙妹作

春日欣人意侵晨出郭門東風吹宿麥西嶺上朝噉刺眼看新柳留心認  
野村思君何謂遠里數不須論

以詩代柬答紉蘭兼謝見寄杭米百合

故人怪我寄書遲無奈年來病不支把筆難酬千里信看花已過半春時  
相思有夢分明寫莫逆於心各自知百合香杭勞遠贈玉泉岡煮滑流匙  
謝選樓老人見贈自書梅花詩扇卽次其韻

老年作字見精神滇省風光記特真首出羣芳開庶物香生妙筆寫花身  
冰姿早帶和羹味玉骨先傳破臘春我欲題詩愧前輩清涼深感選樓人  
六月九日邀雲林湘佩尺五莊看荷花座中次湘佩前遊韻

冷香豔色自泯泯曉日籠煙樹影長宿露未乾苔徑滑虛亭四面水風涼  
花間清露倩誰收菡萏欹紅態更幽荇藻參差流不定權將水榭作蘭舟  
重見蓮花又一年臨池難貌水中仙惜花姊妹憐花色花也憐人竟不然  
城南韋杜近豐臺爲看荷花一早來花好尙如前度色愧余不是寫花才

鈍宦曰湘佩姓沈名寶善錢塘人武凌雲妻著有鴻雪樓詩見兩浙輶

軒續錄 又曰湘佩有閨閣詞話錄太清詞五首

聞珊枝棄世賦詩遙輓

傳聞乍聽驚魂魄復又沈思雜信疑遠道故多言錯誤衰顏久已病支離  
去年別我秋風裏今日哭君春雨時舊句未知曾見否此生真箇會無期

予去冬曾寄詩云也知欲見  
真無日水遠山長盡此生

鈍宦曰珊枝歿於杭州也

四月十一日白雲觀聽張坤鶴老人說元都律

白雲深處啟丹扉羽葆霓旌耀日輝清淨道中元鶴降步虛聲裏落花飛  
諸天護法損之益八卦成交妙以微借問遊人何所得香塵一路澹忘歸

輓大姑富察縣君

命盡力難挽殘燈照病容寶釵雲髻亂素手玉環鬆白骨無兒殮朱棺有弟封落花何促迫飄絮太惺忪一旦遂長往從今不再逢

同雲林湘佩游尺五莊懷紉蘭作

韋杜城南近水濱花田菜圃淨無塵煙開夏木逢新雨香滿池蓮憶故人  
千里關心應念念舊遊迴首記真真碧筒且盡今朝醉斜日鳴蟬送畫輪  
鈍宦曰紉蘭時客大梁也

伏日同雲林湘佩尺五莊看荷花過三官廟見桂花已開冷煖相催氣候  
無準向來北方此二種多不能同時正所謂十里荷花三秋桂子者也  
歸來賦詩紀之

細路通蕭寺同人載酒來交深忘檢束詩好費徘徊金粟先秋吐紅蓮冒  
日開炎涼隨氣候何必更疑猜

自先夫子薨逝後意不爲詩冬窗檢點遺藁卷中詩多唱和觸日感懷結  
習難忘遂賦數字非敢有所怨聊記予生之不幸也兼示釗初兩兒

昏昏天欲雪圍鑪坐南榮開卷讀遺編痛極不成聲况此衰病身淚多眼  
不明仙人自登仙飄然歸玉京有兒性癡頑有女年尙嬰斗粟與尺布有  
所不能行陋巷數椽屋時在西城養馬營賃房數間暫居何異空谷情嗚嗚兒女啼哀哀  
搖心旌幾欲殉泉下此身不敢輕賤妾豈自惜爲君教兒成

鈍宦曰太素死而家難作矣斗粟尺布殆起於兄弟之間不相容乎

七月七日先夫子棄世十月二十八日奉堂上命攜釗初兩兒叔文以文

兩女移居邸外無所棲遲賣金鳳釵購得住宅一區賦詩以紀之

仙人已化雲間鶴華表何年一再回亡肉含冤誰代雪牽蘿補屋自應該

已看鳳翅凌風去剩有花光照眼來

此宅庭中海棠最多

兀坐不堪思往事九迴腸

斷寸心哀

鈍宦曰堂上者榮恪郡王之福晉也 又曰前漢書蒯通傳里婦夜亡

肉姑以爲盜怒而逐之婦晨去過所善諸母語以事而謝之里母曰女

安行我今令而家追女矣卽束緼請火於亡肉家曰昨暮犬得肉爭鬪

相殺請火治之亡肉家遽追呼其婦詩中亡肉含冤卽使其事

許滇生司寇六兄見贈銀魚螃蟹詩以致謝

歲暮又新年東風解凍天門庭無客至盤合感兄憐白酒持雙蟹銀絲膾

小鮮高懷叨屢贈相報有詩箋

己亥生日哭先夫子

虛室東風冷幽居瀉淚泉去年同宴樂此日隔人天生死原如幻浮休豈望仙斷腸空有恨難寄到君前

鈍宦曰太清是年四十一歲

己亥清明率載釗恭謁先夫子園寢痛成一律

入谷惟聞春草馨蒼蒼松檜護佳城林泉已遂高人志俎豆難陳寡婦情  
近日憂勞成疾病經年魂夢卻分明傷心怕對閒花柳淚灑東風不欲生

新筍

人家種竹新解籜我家竹葉夏乃落只因好雨不及時惱人兩月黃霾惡



不雨頻加灌溉功小園井水爲之涸昨日飯後遶林看枝間新葉舒仍弱  
今早兒童報我知初生新筍尖如削惟願來年筍滿林良友來時堪大嚼  
題先夫子雷泉歌卷後

震曰雷兮震我槐猛風驟雨霎時來電光尙記當年事詩卷空增此日哀  
歎我真成薄命者思君豈止濟川才可憐千尺雷泉水賸有拳拳土一堆

此泉爲長子  
載鈞填平

西門浚井憶當年得意新詩歌六篇泉水於今成廢地主人去歲已登仙  
篆書幸有門人守空井徒爲世子填我欲題詩倍惆悵模糊病眼淚絲懸  
鈍宦曰載鈞襲固山貝子

七月七日先夫子小祥率兒女恭謁南谷痛成二律

陰陰山影下斜陽慘慘風吹縞袂涼  
遠墓諸雛啼血淚斷腸寡婦奠椒漿  
期年已改先人道妝閣權爲選佛場  
未必九泉無見識料應回首也悲傷  
平安精舍大槐宮碎瓦零甃滿目中  
將犢牛羊行曲徑成羣騾馬踐芳叢  
流傳曠有當年句治造徒勞五載工  
此景此情言不盡寒蟬老樹哭西風

南谷丙舍有大安山堂霏雲館清風閣紅葉庵大槐宮平安精舍皆夫子  
度其山勢因其樹木而構之及闌干窗櫺皆自畫圖而製並題額賦詩予  
每從游皆宿於清風閣今大槐宮平安精舍盡爲  
長子載鈞所毀且延番僧在清風閣作法以祓除

同雲林攜釗兒游萬柳堂拈花寺騎馬過夕照寺得四絕句聊以紀游

驅車爲趁曉風涼問路尋來萬柳堂  
指點舊遊都不是且從人世看滄桑

文昌閣對 御書樓古寺蕭條動客愁  
老衲逢人頻乞米拈花一笑再來

遊

雞冠夾路看花田此地重來三十年夕照涼風同策馬亂蟬聲裏拂吟鞭

城東多種  
雞冠花

幾處高原多種麻棗枝低護野人家傷心不見當年柳勝事猶傳解語花  
秋日紅雨軒獨坐偶閱清閼閣集卽用卷中秋容軒韻成此三絕句

白露初交八月朔支離瘦骨怯西風豆花斜日疎窗影涼在秋菘小圃中  
柴門籬落蔓牽牛風動殘荷晚更幽把卷焚香成獨坐桂花初綻幾分秋  
假山當戶兩三峯修竹新梢未滿叢流水遶階半弓地幽花幾朵一簾風  
中秋後一日同雲林湘佩家霞仙雨中遊八寶山晚晴湘佩先歸予同雲  
林聯轡送霞仙回香山留宿延青草閣知己談心人生樂事卽次雲林  
韻成此一律以紀之

高原禾黍晚煙籠  
雨後羣山溼氣濛  
草閣暗霏秋露白  
西窗同翦蠟燈紅  
照人明月雲初淨  
勸客深杯夜已中  
信宿來朝又歸去  
涼風一路送青驄

秋柳 社課

綠挂寒煙柳萬條  
斷魂涼夜倩誰招  
依依自顧經霜影  
楚楚空憐照水腰  
落葉哀蟬千里夢  
曉風殘月五更潮  
難禁最是瀟瀟雨  
冷到紅闌第幾橋  
雲林以衍波箋小  
卷囑題卽次卷中  
伯芳韻

小院霏煙晝掩門  
西風蟋蟀又登盆  
短叢漠漠愁花魄  
弱縷依依罨柳魂  
潤逼琴絃連夜雨  
涼生荷葉帶秋痕  
索題欲作蠅頭楷  
自笑年來老眼昏

尋遼后梳妝樓故址 社課

聞說梳妝舊有臺  
斷煙殘照不勝哀  
一杯荒土傳今古  
六翟秋風化草萊

鏡舞青鸞容易去花飛寶鈿等閒開遺編難攷當年事且向居民問訊來  
喜雨

京都十月連陰少檐溜當風瀉碧流已見甘霖承瑞兆待看秀色滿皇州  
小窗一夜聽冬雨大地來年報麥秋從此不須愁米貴生民飽食復何憂  
賦得雲水光中洗眼來

一望蒼茫界涵光萬象開野雲浮靉靄澄水澹潏洄淨也乾坤眼淵乎方  
寸臺泊舟臨極浦邀客引深杯細露沾衣乍清輝吐月纔天空鴻雁遠風  
靜白鷗來智樂惟仁者忘機卽聖哉憑虛何所住步履接三台

憶西湖早梅 社課

十月早傳春信早孤山有夢路迢迢遙知畫舸經行處香度微風過短橋

紅葉 社課

妝點疎林入畫工斜陽碎影照丹楓行霜青女憐秋澹也效春花作豔紅

水床 社課

地閉堅冰結沿河喚渡聲移牀難就寢敷座可登程搖曳肩頭穩馳趨鏡面平長繩隨宛轉淺轍印縱橫何用凌波襪非關逐浪鯨兩隄枯草木一路碾瑤瓊要在防阬坎還須認陷傾東風融泮後君子慎其行

煖炕 社課

人力勝天力炎涼竟可移煖融陽燧火煙靄蚩尤旗能使花盈座何妨冰滿池綺窗晴展畫紅燭夜敲棋細細重裊深深繡幕垂不須金鼎炭遠過綠熊皮亦有奔馳者難辭風雪吹晏安誠所謂天道豈無私

庚子生日哭先夫子

四十二年如夢過東風煖日又新春  
半生勞碌憑誰話兩字浮休寄此身  
觀化暫能忘俗累餐書或可療清貧  
九泉寄語須相待獨坐挑燈淚滿巾

鈍宦曰太清是年四十二歲

春陰無聊適屏山使童子以素馨辛夷見贈附有佳句謹依來韻申謝

將近清明寒不減妙香素質鬪芳春  
道人短髮羞簪取辜負冰姿謝主人

鈍宦曰屏山姓項錢塘人許溟生尙書之妻也善畫梁楚生有題族姪婦項屏山女史畫花卉卷一詩見古春軒詩鈔

清明前一日率五兒載釗八兒載初宿清風閣夜話有感

碧草青山常不改柳煙杏火古猶今  
魂能化鶴留仙跡夢可通神寄好音

萬事無如兒子孝百年空費道人心挑燈共話當年事悲憤相兼淚滿襟

當初夫子欲為百年計南谷一切花木果蔬及牛欄豕棚數目皆有詩見明善堂流水編第十五卷今一旦為長子載鈞賃出每年祇得租錢六十餘千予非揚彼之不孝實為天下之為子孫計者勸

鈍宦曰太素總集名明善堂分其詩曰流水編詞曰南谷樵唱凡八冊

又曰載鈞襲貝子後無子其嗣子名溥楣襲奉恩鎮國公

紉蘭寄到闔家共賦春生詩數十首且約同賦遂用元微之原韻僅成十

章以詩代柬

何處春生早春生柳色中燕來十日社二月十日社花過幾番風紅杏離宮豔

玉泉新水融燈前開遠信珠玉粲芳叢是日自香山歸來得接此書

何處春生早春生天地中夢魂隨汴水音問寄東風告我家庭宴知君樂



事融龍孫迎燕喜新葉茂叢叢

書中以長媳  
懷孕相告

### 鈍宦曰叙蘭子名牒

何處春生早春生講席中分題新節令合式古人風註易參尼父談經羨

馬融傳家有賢子玉樹况成叢

上星湖先生  
謂子萬昆仲

何處春生早春生畫閣中高懷知樂知雅韻風和風綠醕椒花煖紅燈寶

燄融遙知傳壽翠斑彩戲花叢

何處春生早春生雁字中一行衝碧落萬里御長風豈爲稻梁計因知節

序融翱翔有同好類聚自相叢

何處春生早春生几硯中勉成新句讀敢廢舊家風把卷愁能破敲詩興

自融懷人千里外應念舊時叢

何處春生早春生小院中柳纔飄弱線花已破條風簾額停雲膩房櫳曉  
日融鳥啼催夢醒綠上海棠叢

何處春生早春生園圃中草根肥宿雨榆莢落輕風舊架朱藤繞新池碧  
水融階前無隙地花木各成叢

何處春生早春生憶念中舊遊懷舊雨新句慕新風魚也清心切冰兮熱

意融

謂魚聽軒誦冰室阮錢兩妹

不知更何日重聚昔年叢

何處春生早春生尺牘中同心寫素質空谷散清風紙扇傳情遠香囊著  
體融計程書到日應翦牡丹叢

白題畫扇寄紉蘭

悵望相思千里隔暮春欣展早春詩道人欲報慚無物空谷幽香寄一枝

女游仙 社課

筠籃竹杖泛仙槎探過蟠桃第幾花行到中央迴首望水波雲影澹朝霞  
鬢影衣香不染塵雲章一簡墨痕新臨池細蘸芙蓉露白寫丹書拜玉眞  
七襄裙幅束纖腰裊裊冷風顫翠翹鬪草歸來邀女伴蓮華峯頂看春潮  
瓊漿小飲玉顏醄笑撚花枝倚樹歌長唳一聲天外鶴松蒼蒼處五雲多  
雲窗霧閣坐吹笙風送仙音出玉京聽到月明清露下落花香度步虛聲  
人在瑤樓不捲簾羽衣輕軟鬢眉纖飛泉倒瀉銀河水十二闌干月一匳  
紅燈笑翦夜敲棋玉局彈來故故遲不管人間閒甲子落花飛絮任風吹  
風滿靈旗翠袖寒洞開金碧走青鸞惜花不作愁春夢消受虛無天地寬  
錢塘陳叟字雲伯者以仙人自居著有碧城仙館詞鈔中多綺語更有碧

城女弟子十餘人代爲吹噓去秋曾託雲林以蓮花笈一卷墨二錠見贈予因鄙其爲人避而不受今見彼寄雲林信中有西林太清題其春明新詠一律並自和原韻一律此事殊屬荒唐尤覺可笑不知彼太清此太清是一是二遂用其韻以記其事

含沙小技太玲瓏野鷺安知凜雪鴻綺語永沈黑闇獄庸夫空望上清宮  
碧城行列羞添我人海從來鄙此公任爾亂言成一笑浮雲不礙日光紅  
鈍宦曰太清曾託許雲林索汪允莊夫人題其聽雪小像允莊效花蕊  
宮詞體爲八絕句報之見自然好學齋詩鈔允莊雲林表姊而雲伯之  
子婦也此詩乃痛詆雲伯何耶余藏雲伯頤道堂詩僅十九卷非足本  
也十九卷中無春明新詠一首俟續攷 又曰雲伯處處摹仿隨園裝

腔作調到老不脫脂粉之氣實實可詆

四月八日同屏山雲林湘佩家霞仙游翠微山次湘佩韻

問水登山幾度臨壯游聊可散煩襟千巖蒼翠疑風雨萬木婆娑認淺深  
略約斜通石路曲遠村遙指夕陽沈相期更約看紅葉敢負同來此日心  
四月十四日同家少峰兄霞仙妹攜釧初兩兒游八寶山以首夏猶清和  
爲韻成此五律

相邀侵曉出城門軟草平沙信馬走飛絮輕沾過客衣野花香插村姑首  
峻嶒山影不分明欺段游韉互前後山閣憑虛眼界寬放懷同醉瓶中酒  
爲愛西山幾度來良辰况是多閒暇清泉慢引舊田畦細浪平翻新耙種  
紅雨輕飛已送春綠陰乍滿宜初夏道人餉客意殷勤白酒特從村店買

森森夏木聽鳴鳩日影微陰樹影稠覽勝欲窮千里目登高更上一層樓  
野蔬村酒同兄弟快馬輕車共侶儔去歲中秋曾過此青山無恙古今猶  
曉日籠陰午日晴近山雲斂遠山清憑凌院宇神仙界澹蕩風光客子情  
花發千巖攢錦繡鳥和百籟聽簫笙年來不減登臨興收拾煙霞過此生  
春衣未換尙清和薄醉驅車許放歌玉勒任教穿老樹朱輪不惜碾輕莎  
暮雲城郭遵歸路落日羊牛欲下坡借問到家時早晚閒階已是月明多  
鈍宣曰前卷所稱仲兄當卽少峰也

先夫子大祥率釗初兩兒叔文以文兩女恭謁南谷

七夕携兒冒暑來驅車一路寸心哀諸侯園寢無官守丙舍廊廡任草堆  
素壁長歌君自寫清風閣壁間有夫子題句紅棠雙樹我親栽霏雲館階下海棠兩株乙未年手種人間

眼滿歸泉下他日同遊亦快哉

七月二十一日南谷守兵報寶頂爲山水傾陷當初設立護衛一員辦理  
山田事務自載鈞承襲後撤回惟留兵丁五人而已今伊所信用者多  
負販廚役等賞賜無節皆諂媚小人不諳大事雖有舊臣數人畧有規  
諫者輕則罰俸重則斥革終日昏昏惑於羣小故祭祀籩豆之事置之  
不問無奈釗初兩兒皆在幼年而衣食尙不給况於修葺乎思量及此  
五內焦灼得不痛哉

英雄事業文章傑有子緣何太不仁名器多歸竈下養恩情不及墓中人  
佳城半爲秋霖陷木主常於野獸鄰聞報此言腸寸斷欲興匠作奈兒貧  
伏日雨後訪富察蕊仙夫人華尊留飲歸來夜已中矣賦此致謝

初交彷彿舊相識林下家風異俗流堆案圖書妝閣靜綠階花木小庭幽  
煙籠老樹青如滴雨洗濃苔翠欲浮賓主不拘忘檢束敢辭一飲醉方休  
不畏泥途夏日長蕊仙留客具壺觴屏除世態推君雅簡慢人情恕我狂  
大論夫人知武略因定海縣失守慧心婢子解文章蕊仙命侍兒蘊珠安  
車一路歸來晚細露霑衣作嫩涼

八月十二日病中口占

楊柳空濛雨萬絲小庭積水蕩漣漪經旬臥病強扶起隱几南窗坐片時  
賦得楊柳牆頭數點山

爽氣明西嶺羣峯儼若環一泓澄碧水數點聳秋山屋角供遊賞牆頭伴  
意閒新妝經雨後飛鳥帶雲還霽色開千仞輕煙澹幾彎良時添畫本清



影落檐間蠟屐隨留去扶筇任往攀太平無事日仁智樂天顏

重陽前二日釗初兩兒同石介孫先生元珪過天甯寺訪菊且有九日登

高之約用次原韻

七日先吟九日詞東籬消息漫勞思涼風釀雨愁花信秋潦連陰累圃師

今秋連雨經旬至重陽菊未作花寂寂重陽忙裏過匆匆寸晷暗中移最憐辜負閒罇酒

元亮當年知不知

滿城風雨竟難暝應責花神懶是真已負寒香籬下句尙勞蝴蝶夢中身  
觀生觀化無窮理成佛成仙有數人花早花遲歸一笑任教素魄換紅輪  
佳章示我粲虹霓欲和霜毫信手提敢謂工詩慚草率豈能格物愧無稽  
黃花亦可隨時放白酒何妨到處携侍座更須遣兒輩登高直過玉峯西

八寶山在玉泉山西南

庚子鄉試子萬舉孝廉寄賀紉蘭兼以經綸圖贈之

一軸經綸贈畫圖青燈十載苦功夫文昌天榜分明註試問深閨有夢無  
篆法冰斯到處聞彩鸞應許是前身明年翰苑頌雲誥不負糟糠寫韻人

紉蘭曾售篆字以助子萬讀書

與君相別三年矣汴水燕山事不齊最喜重逢知有日題詩先賀孝廉妻

鈍宦日子萬舉孝廉尋卒記事續稿有告亡兒寶惠文一首 又日子

萬有一子名栢 又曰誦冰吾家婦古篆範蟲鳥此衍石給諫詩也見

刻楮集 又曰紉蘭父名培厚字耕瀉官戶部陝西司主事紉蘭母卽

衍石給諫姊也給諫記事稿有李君墓志銘文

天游閣集卷第四畢

溫語樓校字

天游閣集 詩四

十四

風雨樓



天游閣集

詩五

太清西林春著

庚子十月七日先夫子服闋因太夫人抱病未果親往謹遣載釗恭詣南  
谷痛成六絕句

死者已成天上果生人空向世間忙兒婚女嫁何時畢博得愁心各自傷  
忽忽光陰同逝水昏昏大夢幾時醒年來辛苦誰說始信沈憂損性靈  
九泉能否念慈親老病思兒倍慘神雖有諸孫終不及承歡難慰暮年人  
思量到此不勝悲况是高堂病已危二載憂心惟有淚龐姑苦志更誰知  
紙錢一陌遣兒燒貼貼心旌痛自搖哭對遺容頻禱告靈魂可否許儂招  
馬踏崇山犯曉霜寒雲深處奠椒漿願君暗裏須加護第一毋忘翰墨香

十一月四日夢中題王綦畫戲魚圖

渺渺波紋細絲絲風暗飄滋生各有術春水長魚苗

冬日季瑛招飲綠淨山房賞菊是日有雲林雲姜湘佩佩吉諸姊妹在座  
奈予爲城門所阻未得盡歡歸來卽次湘佩韻

神仙洞府遠塵寰小坐瑤池姊妹環既可留花藏煖室何須結屋必深山  
寒香有意催佳句銀燭無緣照醉顏自愧題詩輸沈約吟成七步竟消閑

鈍宦曰季瑛姓余許青士光卿乃釗之妻也綠淨山房者青士讀書之  
處

靜坐偶成

一番磨鍊一重關悟到無生心自閒探得真源何所論繁枝亂葉盡須刪

上定郡王筠鄰主人兼次原韻

文彩風流迥出塵生花妙筆見天真動勳 金殿千官長首領銀潢一派

親

時主人現任御前大臣宗令

為善著書多訓詁高山流水自清新

筠鄰主人善鼓琴

頌來珠

玉閒中讀詩味醅于酒味醅

四十年來閱世塵勞生何日得歸真敢辭兒女為身累只有詩書是所親

聖道傳家惟以孝湯銘取法日當新至言七字難忘卻澹泊生涯滋味醅

用來詩句

鈍宦日定郡王名載銓後追封親王諡曰敏所著有行有恆堂詩

雨中過含芳園謁筠鄰主人

春雨散如絲羣芳恰及時水光溶碧沼山色印書帷潤論何瀟灑高風瞻

令儀愧無知己報酬德只餘詩

清明由金頂山往南谷路過姚少師塔馬上口占三絕句

極目青青麥隴長獨庵廢塔據中央軍功道果皆無益賸有殘碑臥夕陽  
拂面東風了不寒可憐官地變民田錐心一語和尚平作誤千古應輸阿姊

賢

殘忍慈悲特兩歧如來可許衍宗支協謀博得君王寵慚愧緇衣換少師

三月二十四日送釗兒往完縣查勘地畝以此示之

從未離娘十七年出門正是暮春天飽看山水多加飯乍歷程途要早眠  
騎射莫教閒裏廢文章最好客中研休貪風景歸來晚難慰予心望眼穿  
三月光陰五更風雨多病懷人殊覺無聊恰值知微弟過訪細論篆法可



謂良有宜也

春日遲遲花滿庭苔痕草色入簾青篆書最屬秦丞相三代遺風法古型

玉柱垂珠細品評偏旁結構論來精幻園弟子真無愧

知微篆道受人

別有

煙霞腕底生

昨夜東風尚嫩寒小園花事漸闌刪敲詩問字消長晝也算今生一日閒  
濁酒難澆磊塊多且將文字作消磨屏除一切人間事賺得花前笑語和

鈍宦曰太素號幻園居士見正始集顧子春小傳

閏三月二日病中憶釗兒

庭中海棠花爛漫開如錦多病對殘春思兒難就寢

汝去花纔發今已綠滿枝牡丹護筠闌芍藥翻階墀

青青榆錢兒採來作羹湯游子客途中可有此味嘗

椒葉綠如雲丁香白似雪兀坐計途程終朝望歸轍

胸膈痛不禁病發三月晦幼弟不知愁伴予惟兩妹

爲介庵王孫慶廉畫牡丹紈扇

一夜東風散綺霞九天清露護仙葩臨窗自寫瑤池影特贈王孫富貴花

題楚江姊丈奕湘畫墨牡丹

一枝和露下瑤池慢舞霓裳倦不支富貴更從清處見肯將筆意費胭脂

鈍宦曰楚江爲果毅親王之後襲奉恩鎮國公諡曰恪慎

筠鄰主人見惠形管茶甌並惜餘春慢詞一闋是日予他出歸來以此致

謝

歸來燈下展瑤篇旖旎新詞觸眼鮮形管窗前開畫本磁甌花底泛茶煙  
東風惹恨吹紅雨青鳥銜書降碧天落盡海棠春去也綠楊庭院草芊芊

孝烈將軍記

並序

今年閏月釗兒有事往完縣過孝烈將軍祠見有元明碑欲搨之苦無  
其器遂向村叟討得破氍帽自搨成携歸既喜且感喜者五兒所好頗  
類其父感者先夫子平生好古更兼攷據精詳未得見此遂用前明柱

下史何書光賽神曲十二章原韻

羞將眉黛鬪新圖慢著戎衣效丈夫故態已忘身是女振戈匹馬逐羣胡  
洗盡鉛華歷塞塵暮煙烽火度殘春氍廬自有還鄉夢恨不儂身似雁身  
落日悲鳴塞上笳昏昏斜月暗荒沙身經百戰渾無怨未滅匈奴何以家

閃閃旌旗接陣雲茫茫沙漠馬成羣慨然不灑出門淚叱咤風生一旅軍  
何用琵琶寄恨餘和親故事自應除美人俊骨英雄志誓斬單于報捷書  
爭傳孝女屬曹娥尋父輕身犯綠波何似將軍全體報歸來彩袖舞婆娑  
燕山一戰破重圍俘虜功成羽檄飛賞賚拜辭三殿詔乞歸重整舊羅衣  
閒情誰識挂眉頭秋月春花自放收笑煞凝妝樓上婦壯懷原不重封侯  
小縣荒祠祀女郎巍巍金甲肅戎妝奇功不撰將軍傳消受居民一瓣香  
赫赫威名青海西雄關迴首碧雲齊歡聲共唱還鄉曲輦草平沙戰馬嘶  
明月清輝貫古今遄征誰爲報佳音機中殘縷刀頭血十二年來一日心  
冷風鎮日滿星旗夢雨何曾溼畫衣祈禱有靈民所賴春秋籩豆奠神畿

萬松涵月歌

並序

五兒載劍今年有事往完縣見糧店中有石缸蓋問其值乃二百五十文遂以茶葉五斤易之主人斬某歡然相贈載歸獻予其石徑過古尺二尺六寸澹青色上有墨色松影排比者偃蓋者垂枝者橫斜濃澹遠近分明無色參天蒼皮溜雨歷歷如畫大有王叔明曹雲西筆法錫名曰萬松涵月鐫於其上卽命工人斲木以爲架遂作此歌

青天皓月懸明珠中涵松影千萬株森森林立無邊隅幽陰如聞天籟呼濃皴淡染誰所濡巖枝密葉參天鋪其質滑膩美且都文登大理人所談貴來方與凡石殊天開畫本應難模微雲一抹如有無遠山掩映疑蓬壺其中應結仙人廬世間日月自征徂惟此松能常不枯可謂壽矣天地俱兒之所好能不愚託包載歸以獻吾自勺清泉滌泥塗天生靈物豈容汙

斷木爲架覆以幃相對不忍離須臾恨不將身入畫圖片石珍重抵瓊瑜  
題李太夫人小照

四年前識夫人面今向圖中得見之翰苑有香聯桂樹華堂多喜進瑤卮

花翎特獎書生貴

時雲勛從征粵東  
花翎授湖北鄂陽知府

賞戴雲誥先揚阿母慈聞道樓船

又南去居民翹首仰光儀

辛丑七夕先夫子下世三週年矣率六女載通七女載道八兒載初恭謁

南谷因五兒載釗有差未克同來晨起同通兒清風閣看初日有感

侵曉山樓望日華遠村尙不見人家朝雲變化多無定秋水汪洋自有涯

深草露滋蟲語細長林風度鳥聲譁當年舊句難忘卻

丙申春同先夫子  
清風閣曉望有高

閣延朝日展妝  
對遠山之句可也靈魂憶我耶

鈍宦曰太清是年四十三歲

初八日山中食千歲羹

即千歲  
穀素

山中富草木秋風熟瓜豆晨起敞樓窗微涼動襟袖老嫗遣村童饋我綠  
雲茂此味雖未達食之頗不陋問及此何名含笑去而復娘云千歲穀和  
羹可延壽

初九日清風閣望釗兒

兒生於乙酉  
七月初九日

老眼凭高看不清忽聞林際馬嘶聲今朝馳馬登山者十七年前此日生  
初十日率釗初兩兒游丁家窪訪瀑水巖馬上口占

野花如錦不知名禾黍離離夾道生盛世郊原無隙地豐年肥瘠盡收成  
一灘亂石含靈氣千古飛泉蘊水精探勝又興今昔感西風歸路馬蹄輕

潛真洞

傳有真人乘鶴去空餘老杏手親栽至今深洞懸鍾乳終古陰崖長碧苔  
大道無爲且游戲谷神不死或歸來秋風落日仙壇靜澗草巖花到處開  
游潛真洞晚歸度梅兒嶺口占

夕陽西下亂山圍縹緲遙村暮靄霏遊興最嫌秋日短馬頭明月照人歸  
十八日到家答六女叔文

十二十三偏落雨月明十五漲溪流貪看秋色歸來晚竟作南山十日留  
秋窗聽雨

風雨幽憲病不支寒蜚聽到夜深時新來瘦比當初瘦燈影腰圍是所知  
病裏三秋輕過了無聊終日枕書眠東籬消息從誰問辜負黃花又一年



辛丑十二月十八日釗兒娶婦喜而有感

錦堂春色繡芙蓉彩結宮燈瑞靄濃吉事有祥兒娶婦門闌多喜婿乘龍

二女孟文適趙超男親王車登巴喃爾四女仲文  
適一等子博昌六女叔文許字承恩公崇端代君善後司婚嫁愧我無

能病懶慵惟願九泉加護佑益斯從此衍華宗

壬寅元日試筆

五日春風暖漸催辛丑臘月廿五立春東南風起彩雲開每年元日欽天監奏風從巽地起嬌兒公

服輝金縷釗兒生於乙酉本年元日受二品頂帶新婦斑衣獻壽杯階下

舞龍延綠竹枝頭結子望紅梅心香一瓣虔心禱早願含飴弄小孩

鈍宦曰太清是年四十四歲

清明蘆溝道上書所見

清明有事往西山略暖猶寒二月天老特曳犁殊費力饑鳥啄粒最堪憐  
愚民未必知藏火野燒何曾肯禁煙抱甕工夫雖自得尙須機械利芳田  
上已訪棟鄂武莊留予小酌徧游邸中園亭且約初十日過予天游閣看

海棠歸來賦此

武莊爲輔國公  
祥竹軒夫人

好逢上已來朱邸一路安車過

鳳城

邸在城北

皇

君有莊周臨水樂

武莊  
雅好

養我如列子御風行

是日路  
上遇風

碧桃花底香塵軟楊柳池邊春草生更約海

棠開日會淨除荒徑待良朋

穀雨日同社諸友集天游閣看海棠庭中花爲風吹損祇妙香室所藏二

盆尙嬌豔怡人遂以爲題各賦七言四絕句

無賴東風近日吹恐教辜負看花期瓦盆留得春長在爲惜芳姿一下帷

幾度春來到海棠怕遭風雨損紅妝玉顏合貯黃金屋慢道無香卻有香  
醉態憨憨秀可餐爲留花久築花壇移燈細認橫陳影不解藏花怪阿瞞  
惜花偏是怕花開誰許封姨惡剪裁移向雲窗人莫識何勞更築避風臺  
暮春閒吟將得四句值秀塘媳叔文以文兩女姑嫂學詩倩予代寫遂足

成此律

好景已過穀雨後花隨風落柳風梳憂愁暫借詩消遣煩惱難將酒破除  
人到忘機馴鳥雀胸無實學愧蟲魚嬌兒不識余心苦刻劃偏旁索代書  
次棟鄂少如親母韻

醉裏吟詩詩思繁月明風度落花輕人歸春社殘燈暗座有餘香宿酒醒  
妙論多君情最雅佳章示我句尤清薛濤箋上分明寫真個敲金戛玉聲

鈍宦曰少如是秀塘母也

贈益園星槎兩姻姪

可畏後生真不錯花箋妙句喜頒來  
既看老鳳知雛鳳玉樹堪稱翰苑才  
惜花詞

小園日日愁東風百花狼藉飛橫縱  
海棠嬌泣牆之東認取香霧霏濛濛  
誰解惜花拾落紅憐花有淚光融融  
柳酣花暝人意慵傷春藥倩誰爲春  
愁耶病耶三月中空勞明月掛圓穹  
春歸何處欲相從忍使坐看芳林空  
終日昏昏睡思濃一春辜負看花瞳

題冬閨刺繡圖

斜插寒梅壓鳳釵停鍼不語意徘徊  
誰家姊妹深閨裏一瓣猩紅刺繡鞋

倒次湘佩韻

近日慵慵懶畫眉  
曉窗欣誦故人詩  
園花零落東風老  
况是愁人抱病時  
誤人最是筆頭花  
樂事無多恨轉賒  
不及空山無所識  
放歌隨意傲煙霞  
賦得曲則全

至道須從曲虛心得  
聖傳不因謙受益  
未必缺能全有守  
難攻破無閒豈  
易穿壺中包萬象  
世外看廻旋  
新者方除敝  
虧兮漸可圓  
若能知緩急  
何待佩章茲  
抱一規前轍  
矜多閉後緣  
自明誰肯教  
學也竟徒然  
立夏日次仲兄韻

萬紫千紅返化城  
小園雨後氣尤清  
閒將玉局消長晝  
楊柳風傳子落聲  
春歸夏至時何速  
銷盡花魂與柳魂  
寂寞空庭人意懶  
海棠陰裏閉重門

一簾晴雪舞楊花怪煞么麼也自誇生怕游踪留不住浪隨風勢到天涯  
送春倒次仲兄韻

東風不管落花飛花到殘時杜宇稀我欲將身隨蝶去誰能挽力與天違  
斷腸今夜憐紅瘦觸目連朝怪綠肥幾度思量難解釋一盃香茗餞春歸  
兩窗春曉

幽窗聽盡連宵雨曉戀重衾慵不起花稍竹葉弄微風強向妝臺慢梳理  
遙聞深巷賣花聲一聲聲唱何清美花光草色伴人閒願得浮生長對此  
燕子曲用溫飛卿韻

往來燕熟花間道銜得新泥帶香草軟語商量何處栖暗窺藻井低相報  
乍舒玉翦倚風翻輕試烏衣臨水掃落花門巷日遲遲一生受用花間老

落花

亂撒輕紅點碧苔  
開開落落爲誰來  
三春消息勞蜂使  
幾度摧殘怨蝶媒  
好夢不離芳草渡  
暗香猶戀避風臺  
非關薄倖留遺憾  
結子成陰莫慢猜  
搖落羣芳尙嫩寒  
東風吹過小闌干  
豈因隨便成花陣  
似有勾留任蝶團  
擬畫真容藏秘閣  
難將矯詔約春官  
尋常桃李原無論  
日賦天香寫佩蘭

次筠鄰主人臨池卽事韻

修篁得意兩三竿  
嫩籜纔抽粉未殘  
日轉花稍移綺牖  
風搖柳纔拂朱欄  
數聲啼鳥人初醒  
幾縷流雲雨後看  
寄語臨池垂釣者  
詩情酒興不須闌  
筠鄰主人見贈野菊翠蝴蝶二種詩以致謝

北海傳來野菊花  
消煩清味勝於茶  
更招蝴蝶浮輕翠  
點綴幽窗處士家

城南看芍藥晚過尺五莊有感用落花詩韻

十里香塵碾綠苔尋芳約伴喜同來  
烟籠芍藥邀詞客水滿池塘薦月媒  
大白何妨浮野店好花未必祇豐臺  
露荷開日應重到醉把冰麥子細猜  
虛亭芳草怯微寒夾道文無雜射干  
燕子斜穿風絮亂魚苗輕咬水紋團  
看來樹色應憐我聽徹蛙聲豈爲官  
廣厦半傾成廢地露華空自浥叢蘭  
夏日聽道初兩兒讀書

條然花木蔭茅菴一炷爐煙經半函  
閒向窗前課兒女微風晴日誦周南  
過訪少如座中忽值雷電交作雨  
霏橫飛聞朝陽城樓竟爲雷火所燬便

道往觀歸來賦此記之時壬寅夏四月二十二日也

歲次壬寅夏維首庚子日斜風似吼是時亢旱已愆期觸熱來訪金閨友



新詞妙句共相論  
消煩更酌尊中酒  
俄然墨雲挾雨飛  
奇峯亂掣金蛇走  
一聲霹靂震階庭  
七箸翻盤盃落手  
旋驚老嫗報倉皇  
神龍攫物傳萬口  
朝陽城樓勢嵯峨  
中藏靈寶天公取  
我聞此語心咄嗟  
辭歸不畏泥塗厚  
沿途仰視光燭天  
濃煙烈燄冲牛斗  
聚觀擁道如堵牆  
云云默默互前後  
細思此事何休祥  
雷師毋乃職其咎  
盍效昆陽助戰爭  
一爲吾皇擊羣

醜時浙東  
方用兵

### 夏日兩窗偶成

遲遲晝漏日何長  
手倦拋書傍隱囊  
啼鳥數聲人語靜  
一簾微雨棗花香  
棗花香裏睡相宜  
怕弄冰絃懶賦詩  
最是惱人楊柳樹  
與誰爭鬪瘦腰肢  
腰肢瘦盡帶圍寬  
芒種時猶怯嫩寒  
心地無多愁不少  
故教閒却小闌干

闌干難護是愁城心病渾如酒未醒暫借清茶消肺渴晚風斜颺淡煙輕  
悼含芳園姬人某氏

罡風多事妬花開頓使嬌紅委綠苔應有餘香留畫閣更勞幽夢到泉臺  
少翁何術招能返蓬島無方覓再來最是夜深疎月影樹陰空傍小闌隈

鈍宦曰此定敏親王姬人也

戲答蘇嫗

老嫗從容含笑道苔階路滑向須扶愛人若輩應如此畢竟今吾非故吾  
鈍宦曰太清僮名段八婢名石榴與此嫗皆附驥傳矣

端陽前一日往海淀探孟文病車中口占

夏日驅車趁曉行羅衣消受好風清一條官路朝初散五月新蠅耳乍鳴

麥浪翻翻猶秀穗壬寅五月十四夏至楊花點點已浮萍遠山淺黛如含  
笑爽氣朝酣宿雨晴

棗樹

西院階前多棗樹荔牆掩映綠煙遮高枝已結垂垂實低處猶開瑣瑣花  
鳳子趁晴朝曬粉蜂兒抱蕊午開衙晚來又見雲陰合準擬今宵雨勢加  
雨中偶檢清秘閣集用苦雨韻

人言夏潦最宜禾

諺曰六月連陰喫飽飯

電閃金龍雷震鼉野卉短叢紛落瓣瓦盆

積水小生波將雛燕乍添新壘釀蜜蜂頻補舊窠盡日忘機觀物化時鏗  
小句學陰何

天游閣集卷第五畢

溫語樓校字

天游閣集

詩補

太清西林春著

鈍宦曰余錄天游閣集竟復從 國朝閩秀正始集得其詩六首皆  
集中所無者不知編集時手自刪去抑在原闕之第四卷中耶臨桂  
况夔笙舍人周儀曾云在京師地攤買得此集夔笙頃流寓江南無  
從借勘正始集小傳稱太清字子春有子春集其集名亦與此異

送居士游盤山

欲訪招提境巉巖緩著鞭野花藏細路亂石出新泉鳥自雲中下僧從谷  
口還晚來禪院宿應遇贊公賢

鈍宦曰太素號幻園居士

和居士雨後過南院韻

霖霖雨蹤止，崢嶸雲勢奇。好風吹細麥，落日在疏籬。遠寺暮鐘動，深林棲鳥遲。清歌一長嘯，獨立欲何之。

秋夜

開窗對明月，歛膝撫幽琴。蟲語三更促，西風一夜深。寒蟬咽清露，老樹抱秋心。會得冷然趣，高懷託古音。

題王蒙關山蕭寺畫

霜氣淨林陬，寒鴉集成樓。江關楓樹老，歲月畫屏秋。返照見蕭寺，亂山生暮愁。河間題句好，珍重墨林收。

題陳松濤女史畫

江南江北章如煙涼在微青澹墨邊二十六陂春水潤柳花飛滿釣魚船  
吳江秋色上漁船罾網初收夕照邊一片楓林穿落日最深紅處起秋煙





蘭雲菱寢樓筆記一則

况周頤 麀笙

夔閱某詞話云 本朝鐵嶺人詞男中成容若女中太清春直闕北宋堂  
與太清春天游閣詩寫本歲己丑余得於廠肆地攤詞名東海漁歌求之  
十年不可得僅從沈善寶錢塘人武陵雲室有鴻雪廬詞閨秀詞話中得見五閱錄其四  
如左憶與半唐同官京師時以不得漁樵二歌爲恨事朱希真樵歌及東  
海漁歌也余出都後半唐竟得樵歌付梓而漁歌至今杳然就令它日得  
之安能起半唐與共賞會耶此余所爲有椎琴之痛也

浪淘沙

春日同夫子慈溪紀遊

西林太清春

花木自成蹊春與人宜清流荇藻蕩參差小鳥避人棲不定撲亂楊枝  
歸騎踏香泥山影沈西鴛鴦冲破碧煙飛三十六雙花樣好同浴清溪

南柯子 山行

絺綌生涼意肩輿緩緩游連林梨棗綴枝頭幾處背陰籬落挂牽牛 遠  
岫雲初斂斜陽雨乍收牧踪樵徑細尋求昨夜驟添溪水繞邨流

早春怨 春夜

楊柳風斜黃昏人靜睡穩棲鴉短燭燒殘長更坐盡小篆添些 紅塵不  
閉窗紗被一縷春痕暗遮澹澹輕煙溶溶院落月在梨花

惜分釵 詠空冲

春將至姓天氣消閒坐看兒童戲借天風鼓其中結綵爲繩截竹爲筒空  
空 人閒事觀愚智大都製器存深意理無窮事無終實則能鳴虛則能  
容冲冲